## 庫全書

子部

欽定四庫

神農本草經疏卷十

詳校官太醫院思程 孔城秀

編修臣倉聖脈覆勘

總校官進士臣然 校對官中書臣吳 腾绿监生 臣養

俊

琪

固

うべのこうこ へんこう 神農本草經流 射干

金グローノー言 附子 骨强陰又墮胎為百藥長冬月採為附子春採為鳥 能行步腰脊風寒心腹冷痛霍亂轉筋下痢赤白堅 瘡破癥堅積聚血瘕寒濕踒躄拘攣膝痛脚疼冷弱不 蜈豉 、味辛甘温大熱有大毒主風寒欬逆邪氣温中 常山 **牟躑躅** 長得 白及 風椒 黑食 豆鹽 可 卷十 51 甘遂 大戟 之 人行 童膽 **便為** 犀之 貫衆 白飲 角使 肌 頭 金

Can Dial Little 19 步以此諸病皆由風寒濕三邪客之所致也邪客上 寒教逆邪氣寒濕踒躄拘擊膝痛脚疼冷弱不能行 厥陰命門手少陽三焦兼入足少陰太陰經其性走 厚味溥陽中之陰降多升少浮中沉無所不至入手 疏○附子全稟地中火土燥烈之氣而兼得乎天之 而不守得甘草則性緩得肉桂則補命門本經主風 熱氣故其氣味皆大辛大熱做兼甘苦而有大毒氣 則教逆邪客下焦則成踒躄拘攣膝痛脚疼冷弱 神農本草經疏

金りゃ 寒凝而不行所成血得熱則行故能療之其主金瘡 不能行步此樂性大熱而善走故亦善除風寒濕 邪三邪祛則諸證自瘳矣癥堅積聚血瘕皆血分虚 冷痛及脾虚寒客中焦為霍亂客下焦肝腎之分為 不止之金瘡也別錄又主腰脊風寒脚氣冷弱心腹 筋借諸補氣樂則温中補血樂則 消物氣性熱極 謂金瘡為風寒所鬱擊血瘀不活之證而非血流 ſij 入血善行故善墜胎為百樂長引 强陰堅肌骨火

次三四五八十 胃寒此動氣虚經閉補陽虚散虚壅亦可入足太陽 參术黃者茯苓則温媛脾胃除脾濕祛腎寒補下焦 少陰故治督脈為病脊强而厥督脈夾脊而上並足 子本是同生第其形質有異老嫩或殊大熱大毒則 太陽膀胱經膀胱者腎之府故主之也天雄鳥頭附 陽虚佐之以桂則除臟腑沈寒三焦厥逆濕淫腹痛 未始有别也 主治森互 3 神農本草經疏 Ξ

を上たしし **芍樂炙甘草砂仁橘皮主小兒慢驚加蓮肉白藊豆** 能出汗 嘔飲食不化不生肌肉亦主久漏冷瘡 子主癰疽潰後去膿血過多以致飲食不進惡心欲 足回陽有神 附子得生乾薑桂枝主傷寒直中陰經温中散寒而 濕之聖藥 腹腹痛作泄完穀不化小水不禁佐白术為除寒 佐人參兼內桂五味子則補命門相火不 得黃者人參炙甘草白芍藥橘皮五味 得人参肉桂治元氣虚人暴寒之氣 得人参白

大子可言した 急食辛以潤之附子同肉桂之辛入八味九以潤腎 皮主久病嘔噦反胃虚而無熱者良 極立止 燥陽虚無熱證者宜之 附子既禀地二之火氣兼得乎天之熱氣以生是陰 風濕麻痺腫痛脚氣之無熱證者輛驗 则治吐瀉不止 簡誤 得术木瓜石斛草解養以仁橘皮茯苓治 得术桂牛膝木瓜橘皮主寒疝痛 神農本草經疏 經日腎苦燥 得人參橘

金り口 其外證雖與陰厥相類而其內實不相侔何者陽厥 虚氣弱之病而誤用之於陰虚内熱血液衰少傷寒 質之所能乃是退除寒益陽火兼除寒濕之要樂引 陽凑合無非火熱為性氣味皆然毒可知己論其性 補氣血藥入命門盆相火之上劑若非陰寒寒濕陽 之病若係傷寒温疫其先必發熱頭疼口渴其後雖 温病熱病陽厥等證靡不立斃謹列其害如左醫師 命宜詳玩而深鑒之亦生人之大幸也傷寒陽厥 Ţ.  欠己の手とう 蒸勞熱惡寒陰虚內熱外寒虚火上攻齒痛脾陰不 此宜益陰補血清熱則愈也故凡病人一見内熱口 血 陰虚生内熱熱則生風故外兼現乎風證其實乃陰 弓反張病名曰痙痙者勁也是去血過多陰氣暴虛 必赤或短少是其候也此當下之病也產後血虚角 頭不疼而表熱己除然必面赤類紅二便不利小水 **咽乾口渴渴欲引飲咳嗽多痰煩躁五心煩熱骨** 不足無以榮養於筋所致足厥陰肝家大虚之候 100 神農本草經流 <u>A</u>

金クロートイット 絞痛中暑霍亂吐瀉或乾霍亂或久瘧寒熱並盛或 炎欲嘔外類反胃而惡熱焦煩得寒暫止中熱腹中 或燥結腹內覺熱問喜飲冷漿及鮮果畏火及日光 虚頭量中暑暴泄利下如火赤白滞下小兒中暑傷 兼畏人聲木聲虚陽易與夢洩不止產後發熱産後 食作泄小便短赤口渴思飲血虚腹痛按之即止火 **血行不止及惡瘡臭穢小產增寒壯熱中暑厥暈陰** 足以致飲食無味小便黄赤短澁及不利大便不通

大三丁三八十 咬牙痘瘡挾熱下利痘瘡餘毒生癰中風殭仆不語 乾焦黑陷痘瘡火閉不出痘瘡皮薄嬌紅痘瘡因熱 濕熱疼痺濕熱作泄濕熱脚氣小兒急驚內熱痘瘡 口苦舌乾心經有熱夢寐紛紅下部濕熱行履重滯 少年縱怨傷精以致陰精不守精滑腦漏婦人血枯 目昏神短耳鳴盜汗汗血多汗惡熱老人精絕陽痿 無子血枯經閉腎虚小便餘瀝血虛大便燥結陰虛 赤白濁赤白淋尿血便血血崩吐衂齒衂舌上出血 Į 神農本草經疏

金少口匠 證者服之有起死之殊功而不知其用之陰虚如上 虚及諸火熱無關陽弱亦非陰寒法所均忌倘誤犯 中風口眼歪邪中風語言蹇澀中風半身不遂中風 痰多神昏一切癰疽未潰金瘡失血發瘦血虚頭痛 諸病亦復下咽莫救故特深著其害以表其非嘗試 治宜謹審之世徒見其投之陽虚之候肺腎本無熱 之輕變為重重者必死枉害人命此藥居多臨證施 偏頭風痛上來內外男婦小兒共七十餘症病屬陰 バード

半夏味辛平生微寒熱温有毒主傷寒寒熱心下堅下 滑盡射干為之使惡皂英畏雄黃生姜乾姜 熱滿結咳嗽上氣心下急痛堅痞時氣嘔逆消癰腫墮 氣咽喉腫痛頭眩胸脹欬逆腸鳴止汗消心腹胸膈痰 胎療痿黄恍澤面目生令人吐熟令人下用之湯洗令 てこうえいか 疏〇半夏得土金之氣兼得乎天之燥氣故其味辛 輕用之樂也業醫君子可不慎諸 平苦温火金相搏則辛而有毒潔古謂味辛苦性温 神農本草經流 논

金グロニケグラー 在少陰則咽喉腫痛別錄亦謂其消心腹胸膈痰熱 善散故主傷寒邪在表裏之間往來寒熱苦善下泄 氣味俱薄沈而降好古謂其辛厚苦輕陽中陰也 上焦胸中之所致故悉主之也中焦者足太陰之所 滿結欬逆上氣心下急痛堅痞時氣嘔逆亦皆邪 足太陰陽明少陽亦入手少陰經柴胡為之使辛温 治也有濕有熱清濁不分則腸鳴濕熱勝則自汗 邪在胸中則心下堅胸脹欬逆邪在上焦則頭眩邪

5/5. JO . of Little " 面色痿黃實脾分水燥濕則前證俱除面目因而滑 張仲景傷寒論小結胸痛正在心下按之則痛脈浮 足太陰故拜主之辛能散結故消癰腫脾家濕熱則 取二升分三服 大者一箇水六升先煮栝樓至三升去滓內二味煮 澤矣辛温有毒故墮胎也 而滑者小陷胸湯主之半夏半升黃連一兩栝樓實 主治祭互 又治少陰咽痛生瘡不能言語聲 神農本草經流

金岁口下人 有支飲也或似喘不喘似嘔不嘔似喘不喘心下情 作 不出者苦酒湯主之半夏七枚打碎雞子一枚頭開 情並宜小半夏湯用半夏泡七次一升生薑半升水 炭火上煎三沸去滓置盃中時時嚥之極驗未瘥更 七升煮一升五合分温服 下半夏加茯苓湯半夏一升生薑半斤茯苓三两切 **敏去黄納苦酒令小滿入半夏在內以環子坐於** 金匱要略治支飲作嘔嘔家本渴不渴者心下 苯十 又治嘔噦眩悸穀不得

景方治黄疸喘滿小便自利不可除熱者用半夏半 結而死心下暖以此少許入口其人逐活 兩白蜜一 斤生薑半斤水七升煮一升五合分再服有一人氣 九日三 麻黄九半夏麻黄等分為末蜜九小豆大每服三十 以水七升煎一 三升半温服一升日再服亦治膈間支飲 一升水一斗二升和楊之一百二十遍煮取 又嘔吐反胃大半夏湯半夏三升人参三 升半分温服之 又心下悸忪半夏 又張仲 潔古活

欠こううへいす

7

神農本草經疏

金りに 煮金花九用生半夏生天南星寒水石煅各一兩天 麻半兩雄黄二錢小麥麵三兩為末水和成餅水煮 法機要方風痰頭暈嘔逆目眩面青黃色脈弦者水 浮起漉出搖九梧子大每服五十九薑湯下極效亦 浸蒸餅九梧子大每服三十九薑湯下已吐者加檳 治風痰咳嗽二便不通風痰頭痛 榔 兀兀欲吐眩暈欲倒半夏一兩雄黄三錢為末薑汁 1.111 又治濕痰咳嗽面黃體重嗜卧兼食不消脈緩 又治風痰喘逆

いへいしりょう シュー・ 甚捷徑 五兩茯苓三兩每服四錢薑七片水一鍾半煎七分 十九薑湯下 夏南星各一兩官桂半兩為末糊九梧子大每服五 者白术九用半夏南星各一两白术一两半為末簿 短惡心飲食不下或吐痰水茯苓半夏湯用半夏泡 面白氣促洒淅惡寒愁憂不樂脈濇者玉粉九用半 糊凡梧子大每服五十九薑湯下 又治氣痰咳嗽 又換風化痰安神定志利頭目辰砂化痰 1 和劑局方治停痰醫飲胸膈滿悶氣 神農本草經統

金八旦上八三百 皇炭炒各寸許薑三片水一盛煎七分温服 各半兩每服四錢生薑七片水二盏煎一盞温服 停痰冷飲嘔逆橋皮半夏湯用半夏水煮熟陳橘皮 為末薑汁打糊九梧子大每服三十九食後薑湯下 炒黄二兩藿香一兩丁皮半兩每服四錢水一盞薑 又治胃寒喊逆停痰留飲藿香半夏湯用半夏湯泡 九用半夏麵三兩天南星炮一兩辰砂枯攀各半兩 又治風痰喘急干緡湯用半夏湯洗七箇甘草炙

欠日可多人方 國 薑汁打糊或煮聚肉和九梧子大每薑湯下十五九 寒痰加丁香五錢熱痰加寒水石煅四兩名玉液九 湯洗五十 遍去惡氣日乾為末漿水搜作餅日乾再 **咽清頭目進飲食半夏泡七次四兩枯礬一兩為末 凡梧子大每服五十九熱湯下** 夏醋煮一斤茯苓半斤生甘草半斤為末薑汁麵糊 七片煎服 御藥院方治膈壅風痰半夏半斤酸漿浸一宿温 又治伏暑引飲脾胃不和消暑九用半 神農本草經流 又治中焦痰涎利

大每服五十九薑湯下 魏半兩白术末四兩枳實末二兩薑汁麵糊九梧子 南星八兩各湯泡晒乾為末薑汁和作餅焙乾入神 湯嚼下 頭子大紗袋盛避風處陰乾每服一九好茶或薄荷 研為末每五两入生龍脳 末自然薑汁和作餅濕紙裏煨香以熟水二盞同餅 斗門方消痰開胃去胸膈壅滯用半夏洗泡焙乾為 禁氏方治風痰濕痰青壺九半夏一斤天 作三仙九能化痰利氣 錢以漿水濃脚和九雞

衰

色煨熟去麵為末生薑自然汁和九麻子大每服二 七次半两丁香三錢以半夏末水和包丁香用麵重 兒痰吐或風壅所致或咳嗽發熱飲食即嘔半夏泡 騐 餅九芡實大每服一九夜即含縣 粉九半夏半两桂心一字草烏半字為末薑汁浸熬 三十九陳皮湯下 一錢入鹽五分煎一盞服之大壓痰毒及酒食傷極 機要又治結疾不出語音不清年久者亦宜玉 肘後方治冒寒霍亂腹脹用半 活幼口議治小

次中可事了可

神農本草經疏

年りゅん 夏末冷水和九大豆大納鼻中即愈此扁鵲法也 夏桂枝等分為末水服方寸七 魔魅五曰産乳並以半夏末納大豆一九入鼻中心 錄治五絕急病一曰自縊二曰牆壓三日溺水四曰 夏一箇煨斫酒服立騐一方以末隨左右鳴鼻効 元君方卒死不寤用半夏末吹鼻中即活 永類鈴方打撲瘀痕水調半夏末塗一宿 即没 温者一日可活也 劉長春經驗方治吹奶腫痛半 又治産後暈絕半 子母秘 魏

欠日可自己了! 多尿血便血腎水真陰不足發渴中暑發渴陽虚自 足諸病故古人立三禁謂血家渴家汗家也故凡 半夏辛温性燥而有毒雖能祛濕分水實脾開寒濕 箧中方治蝎薑螫人用半夏末水調塗之立止 汗陰虚盜汗内熱煩躁出汗諸證皆所當禁者也然 切吐血衂血咯血齒衂舌上出血金瘡産後失血過 痰氣鬱結疾而其所大忌者乃在陰虚血少津液不 簡誤 **申農本草理院** 

濕飲食停滯咽痛由於陰虚腎水不足則水涸而 所干霍亂腹脹由於脾虚邪熱客中焦而不由於寒 不得下由於胃氣虚弱見食厭惡而不由於寒温邪 牌嘔吐由於火衝胃熱而不由於寒濕痰壅飲食不 疑結為痰所致而不由於寒濕病本乎肺而不本乎 除虚火空上炎燥肺喉痒因而發嗽內熱煎熬津 三禁之外應忌者尚多兹更詳列於後凡咳嗽由於 化由於脾陰不足而不由於因濕脾慢嘔噦眩悸穀

金ケロルノニー

虚自汗由於表虚腠理不固而不由於濕熱內容自 病邪熱不解氣喘由於氣虚而不由於風寒所鬱頭 不由於脾胃不寐由於心經血少而不由於病後膽 痛由於血虚而不由於痰厥小兒吐痰由於傷熱而 無所附故火空上炎而發咽痛而不由於傷寒少陰 痰寒熱骨蒸類皆陰虚肺熱津液不足之候誤服 以其能去痰凡見痰嗽莫不先投之殊不知咳嗽 如上諸證法所同禁其所最易誤而難明者世醫 神農本草徑疏 中四

重点四点人 藥而非肺腎藥也寒濕痰飲作嗽屬胃病者固宜然 拘擊及二便閉溫血虚腹痛於法並忌犯之過多則 乾除虚咳嗽者大忌之又有似中風痰壅失音偏枯 亦百之一二其陰虚火熾煎熬真陰津液化為結痰 致聲啞而死若合參术禍不旋踵蓋以其本脾胃家 非樂可救吉凶質理悔不可追責在司命謹諸戒諸 以致喉痒發咳者往往而是故凡痰中帶血口渴咽 此樂愈損津液則肺家愈燥陰氣愈虚濃痰愈結必 .

欠三万五人事 寒血阴脹小腹痛諸老血留結黃茶為之 安和五藏平胃下氣除痰實腸間結熱心腹脹滿女子 聚留飲宿食湯滌腸胃推陳致新通利水穀調中化食 大黄味苦寒大寒無毒主下瘀血血閉寒熱破癥瘕積 其味至苦其氣大寒而無毒入足陽明太陰厥陰幷 疏〇大黃稟地之陰氣獨厚得乎天之寒氣亦深故 人手陽明經氣味俱厚味厚則發泄故其性猛利善 泄推陳致新無所阻礙所至湯平有戡定禍亂之 神農本草經疏

至 實邪散而中自調臟自和也別錄人云平胃下氣除 グビ 痰實腸間結熱心腹脹滿女子寒熱女子因寒血凝 其曰調中化食安和五藏者緊指臟腑積滞既去則 利 血 功故號將軍味厚則入陰分血者陰也故主下瘀血 >積滯之要品隨經隨證以為佐使則奏功殊疾矣 閉寒熱癥瘕積聚留飲宿食湯滌腸胃通利水穀 開導之力所致也總之此藥乃除實熱燥結下有 而作脹少腹痛因於血閉及諸老血留結皆由通 た言 卷十

人民的五 公子 服 實旨本仲景法也 焦 連一兩以麻沸湯二升清之須更絞汁分作二次温 之濡此為痞也大黄黃連寫心湯主之大黃二兩黃 大黃君枳實厚朴為小承氣湯治傷寒熱病邪結中 可同枳殼檳榔當歸甘草滑石作九投之是迎而奪 主治祭互 潔古用以瀉諸實熱不通及瀉心下痞滿由於 治傷寒病發於陰而反下之心下滿而不痛按 153 神農本草經流 亦治滞下赤白初起壯實之人

金クロルノニ 每常服一二十九小病五六十九緩病七八十九急 固濟煅紅研末二兩右各取末以水發為九梧子大 實熱濕痰為病以錦紋大黃酒蒸八兩入前胡八 **斂炒陳小粉沒藥乳香醋蜜調傳作癰腫圍藥** 滞次日先下糟粕次下痰涎未下再服性妊娠水泄 之之法也然不可過劑過劑則傷胃氣 病一百二十九温水吞下即即勿動候樂逐上焦痰 紅四兩外另以青礞石二兩同焰硝二兩入砂雜 同城及白 兩 K

ついいりられる 色心之 熱痰因發偏頭風諸樂不効目將損者有殊功又治 霞天膏為此更妙 有火也大黄一两甘草炙二錢五分水一碗煮半升 卧以升麻陳皮湯吞三四錢濕熱去即止 温服此真方深疾九也治一切因痰發為怪證若入 粉糊為丸如麻子大薄荷湯吞三錢治中上二焦有 - 焦脾胃濕熱下流容腎以致飽後夜卧即夢遺臨 仲景金匱玉函方云凡人食己即吐此胸中 神農本草經疏 西大黄拌蜜及竹瀝九蒸九晒 せ

金タロノノニー 暴有撥亂反正之殊功第具峻利之性猛烈之氣長 經曰實則寫之大黃氣味大苦大寒性禀直遂長於 便不通及濕熱膠痰滯於中下二焦之要藥祛邪 故凡血閉由於血枯而不由於熱積寒熱由於陰虛 雖應天順人救民水火然亦不免於未盡善之議矣 驅直搖一 下通故為瀉傷寒温病熱病實熱熱結中下二焦二 簡誤 往不返如武王伐紂前徒倒戈血流漂杵

欠正丁戶八字 熱吐衂 停留便閉由於血少腸燥而不由於熱結不通心腹 溢出上竅而不由於血分實熱腰脚風氣由於下 不可以妄加推荡瘧病傷於暑氣而不由於山嵐濕 脹滿由於脾虚中氣不運而不由於飲食停滯女子 下初起即屬胃虛當以補養胃氣清消濕熱為本而 而不由於瘀血癥瘕由於脾虚胃弱而不由於積滯 (腹痛由於厥陰血虚而不由於經阻老血疾結滞 血由於陰虚火起於下炎鑠乎上血熱妄行 **1** 神農本草經疏

金ケロ屋へ言 虚濕邪乘虚客之而成而不由於濕熱實邪所犯乳 蒸積熱本於陰精不足而非實熱所致偏墜由於腎 家調胃承氣湯中用甘草以和之正謂是也輕發誤 先虚濕熱下流因茲致病而不專由於風濕外侵骨 癰腫毒由於肝家氣逆鬱抑不舒以致勞氣不從逆 於肉裏乃生癰腫而不本於膏梁之變足生大疗血 投多致危殆戒之戒之 分積熱所發法咸忌之以其損傷胃氣故也故傷寒

**莘麼味辛苦寒大寒無毒主癥瘕積聚結氣飲食寒熱** 次年日中在 1 酒良 破堅逐邪通利水道下膀胱水伏留熱氣皮間邪水上 出面目浮腫身暴中風熱痲痒利小腹久服令人虚得 屬水藏津液肺氣壅塞則膀胱與馬譬之上竅閉則 疏○葶藶稟隂金之氣以生故其味辛苦大寒無毒 湯用之亦入手陽明足太陽經肺屬金主皮毛膀胱 氣薄味厚陽中陰也為手太陰經正樂故仲景瀉肺 神農本草經疏 ナル

クシドノゼ アレノニ 歷之屬是矣至苦極寒有寫無補暫用尚能損真久 歷妙黃搖末蜜九彈子大每用大棗二十枚水三升 服寧不令人虚也 行逐水故能療本經所主諸病十劑云泄可去閉葶 積聚種種之病生矣辛能散苦能泄大寒沉陰能下 下竅不通下竅不通則水濕泛溢為喘滿為腫脹為 金匱方肺癰喘急不得卧葶艖大棗瀉肺湯主之葶 主治忝至

大日司首 小雪 煎取二升入葶藶一 甚者不過三九 刻 賽內和九梧子大每服十五九桑白皮湯下日三大 不得息 外臺秘要通身腫滿苦草歷炒四兩為末 日日服三合 ) 兩半和允彈子大每以新綿襄一九含之嚥津 , 兩紙觀炒令黑知母貝母各一兩棗肉半兩砂 千金方腹脹積聚葶藶子一升熬以酒五升浸 **篋中方痰飲咳嗽含奇九用葶蔗** 九更煎取一升頓服亦主支飲 神農本草經流 Ŧ

金グロル **葶藶瀉肺利小便治腫滿之要樂然味苦大寒走而** 不守不利於脾胃虚弱及真陰不足之人凡腫滿由 無氣以化者法所咸忌犯之則輕病重重必危慎之 於脾虚不能制水水氣泛溢小便不通由於膀胱虚 體旨以行水泄閉為用多服久服咸不宜耳 近世甜苦二種據本經云辛苦則甜者非矣總之療 簡誤 /: · · · · 苦微温有小毒主胸脅痛如刀剌腹滿腸鳴 卷十

消穀療喉咽痛下鹽毒 幽幽驚恐悸氣利五藏腸胃補血氣除寒熱風痺温中 ていり. ここに 農醫和岐伯雷公咸曰無毒而復加甘觀其所主諸 陽明胃經味厚氣輕陰中之陽升也傷寒邪結胸脇 則痛如刀刺邪在中焦則腹滿及腸鳴幽幽辛散升 病應是辛苦甘平微温無毒入手太陰少陰兼入足 疏○桔梗本經味辛氣微温別錄加苦云有小毒神 發苦洩甘和則邪解而氣和諸證自退矣其主驚恐 神農本草理丸 ニナニ

金り口 毒者皆散邪解毒通利之功也消穀者以其升載陽 悸氣者心脾氣血不足 消矣甄權用以治下痢及去肺熱氣促者升散熱邪 氣使居中焦而 和 升上之力以為舟楫勝載之用此佐使之職也別 利五臟腸胃補血氣者蓋指邪解則臟腑腸胃自 之故也日華子用以除 則血氣自生也除寒熱風痺温中療喉咽痛 压力言 不下 陷 )則現此證諸補心樂中籍 **环碎温肺癰排膿潔古用** 則脾中陽氣長浮而穀食自

シュラー シュー 肺 鼻塞者入肺開發和解之功也好古以其色白故為 肺部引經與甘草同行為舟楫之劑諸樂有此 不能下沈也 桔梗貝母巴豆取其温中散邪消穀破積也又治肺 朱肱活人書治胸中痞滿不痛用桔梗枳殼取其通 利敦除肺部風熱清利頭目咽嗌胸膈滯氣及痛除 利膈下氣也 主治祭互 張仲景傷寒論治傷寒實結胸用 神農本草經疏 二十二

金好匹臣人書 熱也後人易名甘枯湯通治咽喉口舌諸病 癰 桔梗半夏陳皮各三錢薑五片煎服 梗甘草取其苦辛散邪甘平除熱合而用之能調寒 治痰嗽喘急桔梗一 活人書治傷寒腹脹陰陽不和者桔梗半夏湯主之 排膿血補內漏也其治少陰證二三日咽痛亦用桔 盛農用桔梗甘草取其辛苦清肺甘温瀉火又能 合去滓温服 仲景金匱玉函方治肺癰咳嗽 兩半為末用童子小便半升煎 þ 簡要濟眾方 南陽

人に口いている 生瘡 梗 淌振寒脈數咽乾不渴時出濁唾腥臭久久吐膿如 再服朝幕吐膿血則瘥 粳米粥者桔梗 三日咽痛者可與甘草湯不瘥者與甘桔湯主之桔 兩水三升煮一升頓服 兩甘草二兩水三升煮一升分服又可治口舌 經驗方治骨槽風牙銀腫痛者桔梗為末 永類鈴方治菌蛋腫痛桔梗薏苡仁等分為 -兩甘草二兩水三升煮一升分温 神農木草經疏 千金方治喉痺毒氣枯梗 仲景傷寒論少陰證二 Ī

金グロートノニー 濟方治鼻如桔梗為末水服方寸七日四服一方加 易簡方治牙疳臭爛桔梗茴香等分燒研傅之 瓤和九皂子大綿裹咬之仍以荆芥湯漱之 之心中當煩須更自定七日止當食猪肝肺以補之 為未以酒服方寸七日三服不能下藥以物拘口灌 出血石餘四臟皆損惟心未毀或鼻破將死者苦梗 生犀角屑 方加犀角等分 古今錄驗方治中盤下血如雞肝晝夜 聖惠方治妊娠中惡心腹疼痛 ţ 衛生 晋

草蒿味苦寒無毒主疥瘙痴痒惡瘡殺蝨留熱在骨節 **てきりこうには** 香豆許 桔梗 在下焦者勿用凡攻補下焦藥中勿入雷公云凡使 兒客忤死不能言桔梗燒研三錢米湯服之仍吞麝 勿用木梗真似桔梗只是咬之腥澀不堪為異 梗之性屬陽而升凡病氣逐上升不得下降及邪 簡誤 兩生薑三片煎温服 神是本草理流 張文仲備急方治小 二十四

金好四库全書 間明目一名青蒿 熱則目明苦能泄熱苦能殺蟲寒能退熱熱去則血 熱所致留熱在骨節間者是熟伏於陰分也肝胃無 疏○草蒿青蒿也稟天地芬烈之氣以生故其味苦 多與胃氣不宜惟青萬之氣芬芳可人香氣先入脾 其氣寒而芬芳其性無毒疥癢痴痒惡瘡皆由於血 故獨宜於血虚有熱之人以其不犯胃氣故爾是以 分平和陰氣日長前證自除故悉主之也諸苦寒藥 N.S.

i

ていていることがの 一番 **葬勞虚熱非此不除矣** 腹内滿及冷熱久痢秋冬用子春夏用苗 帛裹之 產後虚熱寒熱淹延不解亦治一切虚勞寒熱陰虚 青嵩得鼈甲地黄牛膝枸杞麥門冬五味子除一 五心煩熱腎水真陰不足以致骨蒸勞熱此為要藥 陶隱居謂其生按傳金瘡大止血生肉止疼痛以 主治祭互 陳藏器謂其主鬼氣尸在伏留婦人血氣 神農本草經疏 二十五 日華

金少口屋 實時採之去枝梗以童便浸三日晒乾為末每服二 傅瘡上即瘥 謂其能補中盆氣輕身補勞駐顏色長毛髮髮黑不 **先如梧子大每空心及臨卧温酒吞二十九** 老心痛熱黄主搖汁服 方治虚勞寒熱肢體倦疼不拘男婦八九月青蒿成 三升童便五升同煎取一升半去滓入器中愈成膏 一箇煎湯服 斗門方治男婦勞瘦用青萬細到水 崔元亮海上方治骨蒸鬼氣 百一方治蜂螫人嚼青蒿 秀苑

次二四三人子 大斗半去火待冷以磁器盛之每欲服時取甘草二 金令净再以微火煎可二大斗入猪膽一枚同煎 青筒一 好細剉相和納大釜中以猛火煎取三大斗去滓溉 用童便五大斗澄清青嵩五斗八九月採帶子者最 獨一大 五 五 分空心 温服 十九漸增至三十九止 十便良方治骨蒸煩熱用 三兩炙熟為末以煎和搖干杵為先空腹粥飲下二 握猪膽汁一枚杏仁四十個去皮尖炒以童 7 神農本草經疏 聖惠總錄治虚勞盜 ニナ六

金グにん 寒用青蒿二兩童便浸焙黄丹半兩為末每服二錢 末各一 用並用並不用葉為未血從載前冷水調糞後温酒 塞鼻中極驗 握水二升搗汁服之 汗煩熱口乾用青蒿一斤取汁熬膏入沙參末麥冬 白湯調下 二十九名青嵩煎 ノニー 兩同熬至可九九如梧子大每食後米飲服 衛生易簡方治鼻如青嵩擔汁服之并 永類鈴方治酒痔便如青萬用葉不 卷十 肘後方治瘧疾寒熱用青蒿 仁存方治温瘧痰盛但熱不

次三四三人 旋覆花味鹹甘温微温冷利有小毒主結氣脇下滿驚 悸除水去五藏間寒熱補中下氣消胸上痰結唾如膠 漆心脇痰水膀胱留飲風氣濕痺皮間死肌目中眵睃 惠方治耳中出膿青蒿為末綿裏納耳中 調服 產後氣虛內寒作瀉及飲食停滯泄瀉者勿用凡產 後脾胃薄弱忌與當歸地黄同用 簡誤 濟急方治牙齒腫痛青蒿 神農本草經疏 握煎漱≈ ニャセ

金にして 利 驚悸飲消則復常矣除水去五臟間寒熱及消胸 首係之以鹹 疏〇旋覆花別錄甄權日華子冠宗奭皆無毒宗奭 痰結唾如膠漆心脇痰水膀胱留飲風氣濕痺皮 大腸通血脈盆色澤一 肌目中眵睨利大腸者皆軟堅冷利潤下消痰 微温温能通行故主結氣脇下滿心脾伏飲則病 加苦辛而曰冷利其稟冬之氣而生者乎故其味 潤下作鹹鹹能軟堅別錄加甘甘能緩 + 名金沸草五月采花日乾 間

CRITICAL CAME 覆花湯用旋覆花三兩葱十四並新絲少許水三升! 覆代赭湯成無己曰鞭則氣堅旋覆之鹹以軟痞堅 仲景治傷寒汗下後心下痞堅噫氣不除有七物旋 運行脾襄血又統血故也 除水之功也其曰補中下氣者以甘能緩中鹹能潤 下故也通血脈盆色澤者蓋指飲消則脾健健則能 主治祭互 金匱要略治半產漏下虚寒相搏其脈弦乳旋 神農本草經疏 ニナハー

藜蘆味辛苦寒微寒有毒主蠱毒欬逆洩痢腸辟頭傷 金グローノー 腸虚寒人禁用 洗净以油調塗之 用野油花即旋覆花亦箭即天麻苗防風等分為末 丹溪謂為走散之樂病人沙虚者不宜多服冷利 凡 簡誤 一升頻 總微論治小兒眉鮮自眉毛眼睫因蘇退不生 服 胡洽治痰飲在兩脇脹滿有旋覆花

肉馬刀爛瘡不入湯 てこうえ とう 疥瘙惡瘡殺諸蟲毒去死肌療城逆喉痺不通鼻中息 疏〇藜蘆稟火金之氣以生故其味辛氣寒別錄苦 也辛能散結故主鼻中息肉苦能泄熱殺蟲故主洩 微寒有毒八手太陰足陽明經本經主蠱毒效逆及 痢腸淬頭瘍疥癢殺諸蟲毒也瘡瘍皆濕熱所生濕 為涌劑故能使邪氣痰熱胸膈部分之病悉皆吐出 別錄齊噦逆喉痺不通者皆取其宣壅導滞之力告 • 神農本草經硫 二十九

金ケロたノー 字温浆水一盏和服採吐 片炒為末每服半錢小兒減半温水調灌吐出風涎 牙關緊急者藜蘆一兩去苗濃煎防風湯洗焙乾切 經驗方諸風痰飲藜蘆十分鬱金一分為末每以 瘡死肌皆愈也味至苦入口 即吐故不入湯 熱不去則肌肉潰爛苦寒能瀉濕熱則馬刀惡瘡爛 主治祭互 聖惠方諸風頭痛以繁蘆一莖日乾研末入麝 7 卷十 簡要濟眾方中風不省

人にコミーへふす 射干味苦平微温有毒主软还上氣喉痺咽痛不得消 藜蘆辛苦有大毒服一七 則令人胸中煩悶吐逆不 蘆末半錢温漿水調下探吐 宣吐之力獲効一時設病非關是者切勿沾唇徒令 香少許吹鼻 止凡胸中有痰飲或中蠱毒惡氣者止可借其上涌 簡誤 悶亂吐还不止虧損津液也 1 保命集人瘧痰多不食欲吐不吐藜 神農本草經疏 手

息散結氣腹中邪逆食飲大熱療老血在心脾間效睡 金タにん 言語氣臭散胸中熱氣久服令人虛 寒二說一義並無異云潔古云味苦陽中陰也入手 疏○射干稟金氣而兼火火金相搏則辛而有毒 少陽少陰厥陰經苦能下洩故善降兼辛故善散故 既降且散盆以微寒故主食飲大熱別錄又主老血 主教逆上氣喉庫咽痛不得消息散結氣胸中邪 本經謂其味苦平有毒平亦辛也別錄微温保昇徵 .,

次三四三十二十三四 為要藥 腹脹氣喘疼癖冠宗奭主肺氣喉痺為住潔古主胃 在心脾間效睡言語氣臭散胸中熱氣甄權主涯氣 便毒悉取其洩熱散結之力耳故古方治喉痺咽痛 中癰瘡皆此意也丹溪主行太陰厥陰之積痰使結 消瘀血主女人月閉日華子主消痰破癥結胸膈滿 核自消甚捷又治足厥陰濕氣下流因疲勞而發為 主治祭互 神農本草經疏 =+-

金りに **喉痺不通用索蝴蝶根** 仲景金匮方治教逆上氣喉中作水雞聲射干 分為末水調頓服立愈名奪命散 射干猪脂各四兩合煎令焦去浑每噙棗許即疼 動即解或醋研汁噙引涎出亦妙 醫方大成治喉痺不通用扁竹新根擂汁嗾之大 初腫用扁竹根如僵蠶者同萱草根為末蜜調敷 Ē 人鼈甲煎九治瘧母 1.11 V 錢黄本生甘草桔梗各五 袖珍方治咽喉腫痛用 永類鈴方治乳 便民方亦治 麻黄

菜菘 常山味苦辛寒微寒有毒主傷寒寒熱熱發温瘧思毒 胸中疾結吐逆療思盡往來水脹灑灑惡寒鼠瘻是玉 しこうこう 之神效 寒氣血虚人病無實熱者禁用 無盆陰之性故別錄云久服令人虚凡脾胃薄弱臟 射干雖能降手少陽厥陰相火洩熱散結消腫痛然 簡誤 孫真人千金方治喉痺有鳥暴膏 神農本草經硫

金りにんと言 成多山嵐瘴癘之氣所感邪氣充於榮衛皮膚之間 本經主傷寒寒熱宜作主山嵐瘴氣寒熱發為温瘧 寒祛熟故善被瘴癘入口即吐其性暴悍又可知己 疏〇常山禀天地陰寒之氣以生故其味苦寒别錄 欲去皮膚毛乳中瘴氣根本非常山不可以其性能 桐君盆之以辛宜其有毒也苦泄辛散故善逐飲陰 **祛逐老疾積飲善散山嵐瘴癘之邪故也** 思毒胸中痰結古方治瘧多用蓋以嶺南西學思方

Ca. Trans de deter 末雞子清和九如菜豆大五更新汲水向東吞三五 治山嵐瘴氣作瘧百樂不効秘方常山四兩砂仁四 宿五更向東飲之盖即酒醒即愈 兩檳榔二兩米醋浸入瓷器中二宿取出各炒燥為 年老瘧及積年久瘧常山黃連各一兩酒三升漬 治瘴瘧寒熱用常山一寸草果一枚熱酒一盞浸 主治祭互 服可止九月已後宜以酒吞 神農太草經疏 劉長春經驗方 肘後方治三十 圭

金厂口匠 善損真氣故瘧非由於瘴氣及老痰積飲所致者勿 常山陰毒之草也其性暴悍雖能破瘴竊逐積飲然 當吐冷當利無不瘥者 宿以尾釜煮取一升半發日早服五合發時再服熱 虚暑邪乗虚客於五臟六腑十二經瘧亦因之而發 內經載之詳矣王好古分條立方殊得仲景遺意此 用經曰夏傷於暑秋必痎瘧又曰邪之所凑其氣必 簡誤

皮中痞熱氣腫滿遠志反甘草 甘逐味苦甘寒大寒有毒主大腹疝瘕腹痛面目浮腫 留飲宿食破癥堅積聚利水穀道下五水散膀胱留熱 いつこうう 皆瘧之對病正藥也並不得妄用常山虚人真氣變 為危證戒之戒之清暑養胃健脾消疾乃治瘧之正 法稍久則當分氣血施補助靡不愈者又安所事常 疏○甘遂禀天地陰寒之氣以生故其味苦其氣 Ardelo 神農本草經檢 三十四

金佐四月月三日 其本也潔古謂其味苦性寒苦性泄寒勝熱直達水 腫滿者謂諸病皆從水濕所生水去飲消濕除是拔 及留飲利水道穀道下五水散膀胱留熱皮中痞氣 而有毒亦陰草也水屬陰各從其類故善逐水其主 縣見己其根皮亦肉白作連珠實重者良 氣所結之處乃泄水之聖藥水結胸非此不能除故 仲景大陷胸湯用之但有毒不可輕用其性之惡可 大腹者即世所謂水鹽也又主疝瘕腹滿面目浮腫 卷十

水氣甘遂末大麥麪各半兩水和作餅燒熟食之取 陷胸湯治傷寒水結胸有神 主治祭互 聖濟總錄治膜外

利 肘後方治身面洪腫甘逐末二錢以雄猪腰子

片至四五服當覺腹鳴小便利是其效也 枚分作七片入末在内濕紙包煨令熟每日服 張仲景

金匱玉函方治心下留飲堅滿脈伏其人欲自利反

次に日ここと言 明 快甘逐半夏湯用甘逐大者三枚半夏十二枚以水

神農本草經疏

三十五

金ケロノノニ 逐末一 脬甘遂末一 彼處向上風 服 半升同煎至八合頓服之 作響取利下黑汁鱼從上風奔回可絕不絕再作 升煮半升入与藥五枚水二升煮半升去滓以蜜 簡 仍前用之 誤 錢同猪肉煮食於野地中掘一坑令患人至 錢猪苓湯調下立通 W 站立以甘草末睡調入臍內須更腹中 卷十 筆峰雜與方治小便轉 秘方治體氣甘

ここうころに 甘遂性陰毒雖善下水除濕然能耗損真氣虧竭津 之慎之慎之 既輕去復腫必死矣必察病屬濕熱有飲有水而元 鼓脹類多脾陰不足土虚不能制水以致水氣泛濫 氣尚壯之人乃可一施耳不然禍不旋踵矣戒之戒 液元氣虚人除傷寒水結胸不得不用外其餘水腫 即劉河問云諸濕腫滿屬脾土法應補脾實土兼利 便不此之圖而反用甘遂下之是重虚其虚也水 神農本草經硫 主

毒质鳥 金好四庫八言 熱目中赤小兒驚癇温瘧女子陰中腫痛下赤白殺火 白飲味苦甘平微寒無毒主癰腫疽瘡散結氣止痛除 疏〇白銀得金氣故味苦平平應作辛別錄兼甘其 肉裏所致女子陰中腫痛亦由血分有熱之故火毒 氣微寒無毒苦則泄辛則散甘則緩寒則除熱故主 傷 癰腫疽瘡散結止痛蓋以癰疽皆由禁氣不從逆 肌肉即血分有熱目中赤亦血熱為病散結凉 卷十 血

欠已の自己 婦人下赤白則雖云驚癇屬風熱温瘧由於暑亦白 疽止痛散毒之上樂 白飲得白及紅藥子加硃砂雄黄乳沒腦麝為傳羅 要樂乃確論也 之恐非其任矣尚俟後哲詳之總之為疗腫癰疽家 林屬濕熱或可通用然病各有因樂各有主以類推 除熱則上來諸苦茂不濟矣其治小兒驚癇温瘧及 主治祭互 神農本草經疏 肘後方治發背初起水調白 三十七

金タロルノニョ 斂末傅之 樂院方治面鼻酒數白級白石脂杏仁各半兩為末 臺方治湯火灼爛白飯末傅之 杏仁半分雞屎白一分為末塞和雜水拭面 雞子調塗日一洗 翁治凍耳成瘡白飯黄檗等分為末生油調搽 方白釵二分繁蘆一分為末酒和貼之日三上 切癱腫白斂赤小豆茜草為末雞子白調塗之又 聖惠方治疗瘡初起同上 肘後方治面生粉刺白鼓二 聖惠方治鐵刺諸 陶隱居治 談野 御

人口可重 八十 黄檗各三錢炒研輕粉一錢用葱白漿水洗净傅 每酒服半刀圭日二服以身中熱行為候十日便覺 筋急腫痛屈轉異常處白銳二分熟附子一分為末 錢日二服又治剌在肉中方同上 癰疽己潰不宜服 **哽及竹木哽在咽中白欽半夏泡等分為末酒服半** 忌猪肉冷水 簡誤 瑞竹堂方治諸瘡不飲口白飲赤飲 神農本草经流 千金方治風庫 ニナハ

胃中邪氣賊風思擊亦緩不收除白癬於蟲然石英 金だしていんノーー 仁石 白及味 反畏 鳥李 頓 性者哉宜乎、 辛為金味收為金氣其為得季秋之氣而兼金水之 疏〇白及本經味苦平别錄加辛微寒李當之大寒 日華子加甘東垣亦微寒謂其性濇陽中之陰收也 羅疽皆由榮氣不從逆於肉裏所生敗疽傷陰死 苦辛平微寒無毒主癰腫惡瘡敗疽傷陰死肌 杏 入肺7 理傷有奇効矣苦能洩熱辛能散 理為

大いりてい 损肺吐血有奇効 熱也賊風鬼擊痱緩不收皆血分有熱濕熱傷陰 白及性濇破散中有收敛蓋去腐逐厥以生新 所生也入血分以洩熱散結逐腐則諸證靡 肌皆熱壅血瘀所 痛散結排膿有神 也得白飲紅藥子加脳麝乳沒治一 主治祭互 7 致故悉主之也胃中邪氣者即邪 神農本草經疏 經驗方治鼻如不止津調白及 味為細末米飲調三錢服治 切癰疽腫毒止 三十九

金万四座八百 及末水調塞之勿犯水 不减於自然銅古鉄錢也 腫毒白及末半錢以水澄之去水攤於厚紙上貼之 末塗山根上仍以水服一 及末油調傅之 羅疽己潰不宜同苦寒藥服 簡誤 水類鈴方治打跌骨折酒調白及末二錢服其功 錢立止 趙真人方治湯火傷灼 濟急方治手足戰裂白 袖珍方治疗

大戟味苦甘寒大寒有小毒主蠱毒十二水腫滿急痛 月清蘆草鼠糞 積聚中風皮膚疼痛吐逆頸腋癰腫頭痛發汁利大小 ここりき とよ 必辛辛則散走臟腑故假其辛寒以搜其辛熟是以 矣苦寒故善下走而入腎肝辛則横走無所不到矣 疏○大戟稟天地陰毒之氣以生故味苦寒而有小 潔古又謂瀉肺損真氣其主下蟲毒者以蟲毒必熱 毒甄權潔古兼辛別錄兼甘應是辛多非辛則無毒 神農本草經疏 罕

金りにたんこ 毒攻毒也苦寒下洩故能逐諸有餘之水濕熱及留 有毒故又墮胎也天行黄病非元氣實者勿用經曰 故散頸脫癰腫利大小便瀉毒樂通月水陰草苦辛 飲在中下二焦則為腹滿急痛或成積聚苦辛甘寒 施苦寒有毒下泄之樂哉是重虚其虚也 謂其主中風皮膚疼痛吐逆者非也馬有虚病而可 邪之所凑其氣必虚中風之人其虚必矣本經末又 主治泰互

大戟入玉樞丹紫金錠則解蠱毒熱毒癰疽疗腫及 膈上下變為諸病或頸項胸背腰骨手足胯髀隱痛 至五分以利為度 三因方控涎丹治痰涎酯在胸 水一碗同煮曝乾去大戟以棗肉焙九服從三分服 黑乾陷不發寒而大便閉結者用大戟一兩棗三枚 蛇蟲諸毒内服外數取利為度 不可誤作風氣風毒及瘡疽施治又治頭痛不可 不可忍筋骨牽引釣痛走易及皮膚麻痺似乎癱瘓 百样九治痘瘡變

たいりらんいう

神農本草經疏

四十一

金少四五八二 寒乃止 或睡中流涎或欽睡喘息或痰迷心竅並宜此樂數 中風發熱大戟苦參各四兩白酢漿一斗煮熟洗之 十九以津液嗾下若取利則服五六十九 各一兩為末薑汁打麵糊九梧子大每服七九或二 服痰涎自失諸疾尋愈紫大戟白甘逐白芥子微炒 (戟陰寒善走而下洩潔古謂其損真氣故凡水腫 簡誤 生生方牙齒搖痛大戟咬於痛處良 千金方

實泉味苦微寒有毒主腹中邪熱氣諸毒殺三點去寸 いたりについた 白破癥瘕除頭風止金瘡花療惡瘡令人洩為之使 復用疏洩追逐之樂是重虚其虚也宜詳辨而深戒 水泛濫實脾則能制水此必然之數也今不補脾而 疏○貫衆味苦而又微寒止應云有小毒以其苦 之惟爵飲伏飲停滯中焦及元氣壯實人患水濕乃 不由於受濕停水而由於脾虛土堅則水清土虛則 一暫施耳 神農本草經流 四十二

金好四庫人言 貫衆一味為細末水調 破癥疫苦寒能除風熱故止頭風金瘡出血後必發 濕熱則三蟲自死矣苦以洩之亦兼有散之之義故 故主腹中邪熱氣諸毒三蟲皆由濕熱所生苦寒除 發時以此樂置水中令人飲此水則不傳染 熱洩熱散結則金瘡自止 簡誤 主治祭互 一錢七治鼻如有効 疫氣

惡毒諸痺邪氣思疰蟲毒 人民日前 八十 同用 疏〇半躑躅毒樂也然性能祛風寒濕故可以治惡 躑躅味辛温有大毒主賊風在皮膚中淫淫痛温瘧 病 **興痺者風寒濕所成也然非元氣未虚脾胃尚實之** 人不可用凡用此等毒藥亦須雜以安胃和氣血藥 簡誤 虚寒無實熱者禁用 神農本草經疏

躑躅性發散氣血虚人忌之不可近眼

欽定四庫全書 とこう… こと 草部下品之下 神農本草經疏卷十 總百五種今疏其要者三十五種 乾麻子 何首烏 威靈仙 学根 神農本草經流 天南星 明 牵牛子 白頭翁 稀簽 撰

海金沙	燈心草	穀精草	預知子	山豆根	骨碎補	馬兜鈴根的		金いログノー
草三稜	馬勃	夏枯草	木賊	白附子	連翹	仙茅	蘆根笋附	卷十一
鹿藥	水蓼	山慈孤	蒲公草	鹿藿	續隨子	劉寄奴	鬼臼	

五痔主心痛盆血氣黑影鬢院顏色久服長筋骨盆精 とこうここに 何首烏味苦澀微温無毒主瘰癧消癰腫癢頭面風瘡 髮早白九之令人 延年不老亦治婦人產後及帶下諸疾與白菜能 春深生氣無疑春為木化入通於肝外合於風升也 疏〇 陽也入足厥陰兼入足少陰經故為盆血祛風之 )何首鳥本文味苦澀微温傳言味甘氣温其稟 草石醬 神農本草經院 漆姑草

金好匹库人言 藥雌雄二種遇夜則交有陰陽交合之象故能令人 壅逆發為是病十一臟皆取決於膽與肝為表裏為 也故鳥髭鬢其主瘰癧者肝膽氣鬱結則內熱祭氣 有子肝主血腎主精盆二經則精血盛髮者血之餘 盆肝血則瘰癧自消矣調禁氣則癰腫消治風先治 少陽之經不可出入氣血俱少乃風木所主行膽氣 血血活則風散故療頭面風瘡腸牌為痔痔者濕熱 流傷血分而無所施洩則逼近肛門肉分送出成

TO COLO LINES 者皆補肝腎盆精血之極功也亦治婦人産後及带 本於血虚而兼濕熱行濕盆血靡不除矣 則内熱熱則心搖搖而作痛盆血則熱解而痛除盆 形為種種矣風能勝濕濕熱解則痔將自平心血虚 君甘菊花枸杞子地黄牛膝天門冬赤白茯苓 **血氣黑髭鬢悅顏色久服長筋骨盆精氣延年不老** 下諸疾者婦人以血為主月事通後厥陰主之带 主治祭互 神農本草經疏

金ピノロトノニー 如其數 胃已弱則加人参三五錢肺熱者去人參換入當歸 **並荆芥穗苦參地黃百部治頭面諸風及大麻風** 南燭子則益精血鳥鬚髮駐顏延年 **升麻甘草滑石治毒痢下純血諸藥不效有神** 得金銀花地榆犀角草石蠶山豆根黃連芍藥乾萬 橋紅青皮治瘧邪在陰分久而不解如表氣己虚脾 驗方治骨軟風腰膝疼行復不得遍身瘙痒何首鳥 得刺蒺藜甘菊花天門冬胡麻仁漆葉白 卷十 得牛膝鼈甲 經

大いうらしょう一個人 髮用之神效 宿曝乾於木臼内搖末塞九每日空心食前酒吞二 毒茯苓為之使治五痔腰膝之病冷氣心痛積年勞 瘦痰癖風虚敗劣長筋力盆精髓壯氣駐顏黑髮延 日生嚼并取葉搖塗之數服即止其藥人服延年 破或不破下至胸前者皆治之用何首烏根洗淨 五十九兼可治風痰久瘧不愈 大而有花紋者同牛膝剉各一 何首烏傳何首烏味甘氣温性則無 神农本草經統 斤以好酒 斗門方治療症或

金グにんべる 苗葉有光澤者又如桃李葉雄者苗色黄白雌者苗 痢不止其功不可具述一名野苗二名交縢三名夜 赤根遠不過三尺春秋可採日乾去皮為末酒下最 年婦人惡血痿黄産後諸疾赤白带下毒氣入腹久 良有疾即用茯苓煎湯為使常杵末新琵器盛用偶 連珠其有形如鳥獸山嶽之狀者珍也掘得去皮生 合四名地精五名首烏本出處州江南諸道皆有之 服之忌猪肉血無鱗魚觸樂無力其根形大如拳

首為所出順州南河縣及韶州潮州思州賀州廣州 哥服之一年 颜色紅悅一百五十年者如盆大號 喫得味甘甜可体糧讚曰神妙勝道著在仙書雌雄 號山奴服之一年影響青黑一百年者如盌大號 相交夜合畫疎服之去穀日居月諸返老還少變安 四會縣潘州者為上邕州桂州康州春州高州勒州 病軀有緣者遇ы爾自知明州刺史李遠傳錄云何 循州晉與縣出者次之真仙草也五十年者如拳上

大いりっこう

神農木草經疏

金りに 伯服之一 服之一年顏如童子行及奔馬三百年者如三手榜 何首烏為盆血之樂忌與天雄烏頭附子仙茅薑桂 何首烏兼黑髭鬢與蘿蔔相惡令人髭鬢早白治腸 栳大號山精純陽之體久服之成地仙也 風熱多用 簡誤 1:1 熟藥同用修事以苦竹刀切片米泔浸經宿 年齒落更生二百年如斗榜栳大號山翁 衍義回

人につらい 及療折傷一 一成靈仙味苦溫無毒主諸風宣通五藏去腹內冷滯 膈痰水人積癥瘕痊癖氣塊膀胱宿膿惡水腰膝冷 毒升也陽也入足太陽經春為風木之化故主諸風 疏○威靈仙感春夏之氣故其味苦其氣温其性無 曝乾蒸用勿令犯鐵 而為風樂之宣導善走者也腹內冷滯多由於寒濕 膈痰水乃飲停於上中二焦也風能勝濕濕 一名能消久服之無疫瘧忌茗 神農本草經疏

金りロルノ言 燥故主之也膀胱宿膿惡水靡不由濕所成腰膝冷 簡便方治脚氣入腹脹悶喘急用末二錢酒下痛減 可也 曰外積癥瘕疰癖氣塊及折傷則病干血分者多氣 疼亦緣濕流下部侵筋致之祛風除濕病隨去矣其 分者少而又未必皆由於濕施之恐亦無當取節馬 主治祭互

たこりるくます 愈 焙半夏薑汁浸焙為末用皂角水熬膏九菜豆大 半兩獨蒜一箇香油一錢同搗爛熱酒衝服汗出即 孫兆方名放杖九 十九平明微利惡物如青膿形即是風毒積滞如未 風壅腰膝沉重用威靈仙末審九梧子大温酒吞八 心温酒服一錢逐日以微利為度 利再服百九取下後食粥補之一月仍常服温補藥 又方治停痰宿飲喘欬嘔逆全不入食威靈仙 神農本草經疏 衛生易簡方治破傷風威靈仙 集驗方治腎臟

全 盞水二鍾煎 風樂性升而爆走而不守凡病非風濕及陽盛火升 腫痛欲斷以威靈仙搖汁浸洗效 方治諸骨鯁威靈仙 服七九至十九薑湯下日三服 血虚有熟表虚有汗痰瘧口渴身熱者並忌用之 ロール 簡誤 子味苦寒有毒主下氣療脚滿水腫除風毒利 鍾温 服 + 雨二錢縮砂塞一 李樓怪證方治飛絲纏除 月驗忌茶麪 一兩沙糖

人上のうとう 便 黑牵牛得白木香檳榔使君子能追蟲取積 疏○牵牛子本經不載乃名醫續註本草謂為苦寒 有毒東垣以為感南方熱火之化所生應是辛熱有 是瀉藥令反用之為害滋大 除風毒利小便皆相似語況前病多屬脾胃氣虚此 毒之樂其主下氣者乃損削真氣之謂療脚滿水腫 主治忝互 神農本草經疏 普

金少四屋八三 薑汁擦面後用樂塗之 胃與肺家濕熱之病理應屬虛何資瀉樂況諸證應 方治氣築奔衝不可忍牛郎九用黑牵牛半兩檳榔 如米粉黑牵牛末對入面粉藥中日日洗之 牵牛子辛熱有毒之樂性又迅急其所主治多是脾 錢半為末每服一錢紫蘇湯下追蟲取積亦可用 簡誤 摘玄方治面上風剌黑牵牛酒浸三宿為末先以 聖惠方治面上粉刺瘟子

大きりる から 明 戒後人之勿輕用也兹并附錄其論以詔後世云 矣何也凡用牵牛少則動大便多則泄下如水乃瀉 夫濕者水之別稱有形者也若肺先受濕濕氣不得 能除濕氣利小便治下注脚氣此說氣味主治俱誤 附錄東垣云牵牛非神農藥也名醫續註云味苦寒 氣之樂其味辛辣久嚼猛烈雄壯所謂苦寒安在哉 就不可必不可保之毒物哉宜東垣之諄復其解以 用藥物尋檢本經所載良藥不乏何至舍其萬全而 神農本草經疏

金りにた 有熱證俱用牵牛尅伐之樂豈不誤哉况牵牛止能 火之化所生火能平金而泄肺濕去則氣得周流所 施化致大小便不通則宜暫用之蓋牽牛感南方熱 謂五臟有邪更相平也今不問有濕無濕但傷食或 焦主血血中之濕宜苦寒之味反以辛樂泄之傷人 泄氣中之濕熱不能除血中之濕熱濕從下受之下 **矢經云辛泄氣辛走氣辛泄肺肺病者無多食辛況** 元氣且牵牛辛烈比之諸辛藥泄氣尤甚其傷人必

大きりょうとす 一 是謂重虚重則必死輕則天人故張文懿云牵牛不 氣味俱陽之藥以泄水泄元氣利其小便竭其津液 寒泄火當歸身之辛温和血生地黄之苦寒凉血盆 腸仍不可專用須於補中盆氣泄陰火之藥內加而 火邪名曰熱中脾胃主血當血中泄火以黄芩之苦 用之何則上焦元氣已自虚弱若反用牽牛大辛熱 血少加紅花之辛温以泄血絡桃仁之辛温除燥潤 飲食失節勞役所傷是胃氣不行心火乗之腸胃受 神農本草經疏

金ケヒアニ 不利無一樂犯牵牛者仲景豈不知牵牛能泄濕利 辛辣之藥泄上焦太陰之氣是血病瀉氣使氣血俱 服脱人元氣循不知悔也張仲景治之種濕熱小便 損也經云毋實實母虚虚母絕人長命此之謂也用 者戒之 耽嗜脱人元氣見人有酒食病痞者多服牵 便乎為濕病之根在下焦是血分中氣病不可用 取快一時藥過仍痞隨服隨效效後復痞以致久 牵牛自宋以後北人常用取快及劉守真 超十

大ミローこう 體瘡痒浮腫尸在惡氣榨取油塗之 范麻子味甘辛平有小毒主水癥水研二十枚服之吐 惡沫加至三十枚三日一 暗傷元氣也 過腰背脹重及大腸風秘氣秘卓有殊功但病在血 此說極力闢之牽牛治水氣在肺喘滿腫脹下焦鬱 張子和出又倡為通用下樂李明之目擊其事故 分及脾胃虚弱而痞滿者則不可取快一時及常服 319 神農本草經疏 一服差則止又主風虚寒熱身 葉主脚氣風腫

不仁搖蒸傅之 主水癥又主風虚寒熱身體瘡痒浮腫尸在惡氣榨 故能追膿取毒能出有形之滞物又能通利關竅故 有 疏〇乾麻得土金之氣故其味甘辛而其氣則平性 取 風半身不逐口眼喎斜頭風脚氣毒腫丹瘤火傷鍼 トデ 油塗之研塗手足心催生冠氏主瘰癧李氏主偏 小毒其力長於收吸故能拔病氣出外其性善收 人肉女人胞衣不下及子腸挺出皆從外治不經 ノーー 巷十

ころしけるという 内 時珍云取范麻油法用范麻仁五升搖爛以水 雷公云凡使勿用黑天赤利子緣在地夢上是顆雨 李氏曰凡服乾麻子者一生不得食豆犯之必服死 煮之沫浮於湯面即椒起待沫盡乃止去水以沫煎 頭尖有毒其克麻子節節有黃黑斑凡使以鹽湯煮 至點燈不作滴水不散為度 半日去皮取子研用 服良有見也子無刺者良子有刺者毒 神農本草經硫 土

金グロ丘ノ言 蓖麻子去殼同紫背天葵等分清水入砂器中 其油能伏丹砂輕粉 日空腹時與病人嚼下自十五枚至廿 漸復兼服搜風養血化痰之劑三月而愈又 年脂麝香鯪鯉甲等藥煎作摩膏日摩數次一月餘 自消 主治祭互 塊腫痛亦用乾麻搗膏貼之一夜而愈入 李氏云一人病偏風手足不舉用此油同 枚瘰癧 八病

及巴丁豆 八十 内 夜痛止又一婦產後子腸不收狼仁貼其丹田一夜 **搗膏以筋點於鵝馬六畜舌根下即不能食或點肛** 而上此藥外用累奏奇功但內服不可輕率耳或言 左唱安在右手心却以銅盂磁熱水坐藥上冷即 前證用范麻子仁七七粒研作舒右喝安在左手心 病氣鬱偏頭痛用此同乳香食鹽搗婦太陽穴 即下血死其毒可知矣 仁搗膏左貼右右貼左即 神農本草經硫 正 又方治口眼喝斜克麻 又婦人良方亦治 ナニ

金グロニノバー 易三十日聞香臭也 子油紙燃燒煙熏鼻中自止 麻仁三十粒大棗去皮一枚搖匀綿裹塞之一日 中下清水涕頭痛即止 方克麻仁半兩棗肉十五枚搖塗紙上捧筒挿入鼻 五六次即正也 仁等分搖餅隨左右貼太陽穴解髮出氣甚驗 用乾麻子仁四十粒去殼研油塗紙上作撚燒煙 治風氣頭痛不可忍者乳香乾麻 摘玄方治舌上出血用乾麻 聖濟錄治鼻塞不通用克 經驗良方治舌脹塞

らつこりこう ここい 下便速洗去不爾則子腸出即以此膏塗頂腸自入 生下胞用克麻子七粒去殼研膏塗脚心若胎及衣 用此法而愈 熏之未退再熏以愈為度有人舌腫出口外 油作機尤妙名聖煙筒 以范麻子仁研爛紙卷作筒燒煙熏吸即通或只取 肘後方產難取克麻子十四枚每手各把七枚 摘玄治子宫脱下用乾麻仁枯礬等 治急喉痺牙關緊急不通用此即 神農本草經硫 崔元亮海上集驗方治催 十四 村

金厂口工工人 天南星味苦辛有毒主中風除痰麻痺下氣破堅積消 羅腫利胸膈散血墮胎畏 薄弱大腸不固之人慎勿輕用服餌 **乾麻子能吸氣又能通家體質多油而又有毒脾胃** 心即 分為末安紙上托入仍以乾麻仁十四枚研膏塗頂 簡誤 切腫毒痛不可忍用乾麻子狼敷即止也 又治盤腸生產塗頂方同上 附子乾 生薑 肘後方治

一人での日こんでする 南星得牛膽則燥氣減得火炮則毒性緩 鬱於肺家以致風痰壅盛之要藥也炎上作苦苦則 破堅積消癱腫利胸膈散血墮胎 善爆從革作辛辛則善散温則開通故主麻痺下 附主破傷風口噤身强 烈而有毒陰中之陽可升可降入手太陰經為風寒 疏○南星得火金之氣故其味苦辛火金相搏故性 主治祭互 神農本草經疏 得牛膽皂角川鳥茯神牛 支 得薑桂

金りロルノー 僵仆 桂枝乾薑甘草細辛治西北邊人真中風風痰猝 南星味既辛苦氣復大温而燥烈正與半夏之性同 黄天竺黄丹砂治鷲癇加天麻治一切風痰壅感 而毒則過之故亦善墮胎也半夏治濕痰多南星主 同半夏搖細未入降真香末傅金瘡折傷瘀血 風痰多是其異矣二葉大都相類故其所忌亦同非 簡誤 同

大中可言 二百 稀簽味苦寒有小毒主熱騷煩滿不能食生搖汁服三 四合多則令人吐 濕熱威則生騷濕則煩滿不能食春生之樂本合風 寒不應有毒乃入血分祛風除濕兼活血之要樂也 則害人皮肉筋脈故蘇頌治肝腎風氣四肢麻痺骨 疏○稀簽陽草也感少陽生發之氣以生故其味苦 化風能勝濕苦寒除熱故主之也經曰地之濕氣感 西北人真中風者勿用詳載半夏條下茲不重出 神農本草經疏 共

金りで屋 蒸九曬塞和九如梧子大每五錢空心饑時白湯吞 日三服治紫雲風爛麻風有神 問疼痛腰膝無力及行大腸氣成的用以療中風張 在走而不洩香可開脾邪去身安功力斯倍矣 詠用以輕身駐顏效已著於曩代功復見於今時妙 稀蔹如法修事一斤入漆葉四雨亦以蜜酒潤過九 主治泰互 )稀嵌九方表 畧云臣有弟訢年三十一中風伏 / 1711E 江陵府節度使成

次コラミンショ 或米飲下二三十九服至二千九所患愈加不得憂 葉當夏五月已來收每去地五寸翦刈以温水洗去 丁壯臣依法修合令訴服之果如其言鍾針又言此 慮是藥攻之力服至四千九必得復故五千九當復 足數為度仍熬狼為末煉蜜九如梧子大空心温酒 **豨薟九必愈其藥多生沃壤高三尺許節葉相對其** 枕五年百醫不差有道人鍾針者因親此患曰可餌 泥土摘其葉及枝頭凡九蒸九曝不必太燥但取蒸 神農木草經疏

をりし 藥與本草所述功效相異蓋出處盛在江東彼上 界云此草金稜銀線素應是並紫菱對節而生蜀號 佳奉敕宣付醫院詳錄 呼猪益緣此樂如猪簽氣故以為名但經蒸曝簽氣 臣自喫至百服眼目清明積至干服髭鬚爲黑筋力 火杖莖葉頗同蒼耳誰知至賤之中乃有殊常之效 自泯每當服後須喫飯三五匙壓之五月五日采者 輕健效驗多端臣本州有都押衙羅守一曾因中風 ノニーニ 知盆州張該進稀簽九表

ころうこうと 常服在金壇令隸卒取此草太夫人見之斬曰非是 得蹇今合一百劑差職員史元奏進 墜馬失音不語臣與十服其病立蹇又和尚知嚴年 虚陰血不足不因風濕所中而得者不宜服之子少 年時晤金壇令公劉蓉川論及此樂劉太夫人平居 凡病人患四肢麻痺骨間疼腰膝無力由於脾腎雨 七十忽患偏風口眼喎斜時時吐涎臣與十服亦便 簡誤 神之本草經流

金好四库全言 馬鞭草主下部羅瘡 界日華子咸謂辛凉應有之也本是凉血破血之藥 疏〇 所產者有異物隨土變固其性也 且有蟲也血涼熱解污濁者破而行之靡不瘥矣陳 乃知張盆公表中所云金稜銀線素並紫黃與吳地 藏器謂其破血殺蟲亦此意耳 部騷瘡者血熱之極兼之濕熱故血污濁而成瘡 )馬鞭草圖經謂之龍牙別錄味苦氣寒無毒保

アノアンジョー・ショー 明初 未每服一錢食前荆芥薄荷湯下日三服忌錢 集驗方治男子陰腫大如升核痛人所不能治者馬 鞭草捻塗之 太平聖惠方治白癩風用馬鞭草為 惡瘡馬鞭草煎湯先熏後洗氣到便要毒腫隨減 錢陳茶一撮煎服神效 十日內愈神效 醫方摘要治亦白下痢龍牙草五 炳集驗方治人疥馬疥馬鞭草搖自然汁半盞飮盡 主治称互 神農本草經流 陳嘉謨本草蒙筌治楊梅 十九

学 金少四屋人二百 胎前產後心煩天行熱疾大渴發狂及服金石樂 毒别錄專主小兒赤丹為其寒能涼血也漬苧汁療 疏〇学根得土之沖氣而兼陰寒故味甘氣寒而 根寒主小兒亦丹其清学汁療渴 渴者除熱之功也日華子用以治心膈熱漏胎下 熱審毒箭蛇蟲咬皆以其性寒能解熱凉血故 簡誤 八雖有濕熱血熱證脾陰虚而胃氣弱者勿服 卷十 血

欠い可見いる **苧根兩莖打碎以水一碗半煎半碗頓服即通** 瀕 四升每服入酒半升或一升分作二服聖惠方同 不可忍者学根去黑皮切二升以銀一斤水九升煎 師方治妊娠胎動忽下黄汁如膠或如小豆汁腹痛 根煎湯頻服大妙亦治諸林 同生地黄汁能凉血安胎 湖集簡方治肛門腫痛生学根搖爛坐之良 主治泰亞 神農本草經疏 聖惠方治小便血淋苧 斗門方治五種林疾 主 聖 梅

氣逐血止痛療金瘡鼻奶 金 白頭翁味苦溫無毒主温瘧狂易着寒 疏〇 病人胃弱泄瀉者勿服諸病不由血熱者亦不宜用 要治五色丹毒学根煮濃汁日三浴之 惠方治脫肛不收苧根搖爛煎湯熏洗之 グト 主似為得之東垣謂其氣厚 簡誤 白頭翁本經味苦温無毒吳綬益以辛 ر ا 卷十 公溥 既能入血主 血

していうる とう 瘦積聚變氣靡不由 血凝而成積滞停留則腹痛 痢滞下純血狂易鼻如者血熱也寒熱者血瘀也癥 血分暑伏足陽明經則發温瘧伏手陽明經則病毒 純苦之劑堅之男子陰疝偏墜小兒頭亦腥擅鼻如 前人所謂腎欲堅急食苦以堅之痢則下焦虚故以 瘡血涼則痛自止苦能下泄辛能解散寒能除熱涼 應云氣味俱厚可升可降陰中陽也入手足陽明經 血具諸功能故悉主之殆散熱涼血行瘀之要樂數 1 神农本草經疏 デナニ

金りにし 兩 仲景金匱玉函方白頭翁湯治熱痢下重用白頭翁 **升不愈更服婦人産後痢虚極者加甘草 阿膠各二** 無此不效毒痢有此獲功熱毒下痢紫血鮮血者宜 連各一兩木香半兩水五升煎一升半分三服 两黄連黄檗秦皮各三两水七升煎二升每服 主治祭互 聖惠方治下痢咽腫春夏病此宜用白頭翁黃

甘焦根大寒主癰腫結熱 マノロンコ・コ・ニー **瀉由於虚寒寒濕而不由於濕毒者忌之** 廿日愈 臺秘要治陰癩偏腫用根生搗傳腫處一 白頭翁苦寒滯下胃虚不思食及下利完穀不化泄 白頭翁根據傳一宿作瘡半月愈 丈人以根搗塗之逐血止痛 簡誤 衛生方治外痔腫痛用白頭翁草一名野 印農本草經流 肘後方治小兒禿瘡 千二 宿當作瘡

金少口匠人一 毒幷金石發動燥熱口乾垃絞汁服之又治頭風遊 明之結熱則癰腫自除蘇恭搖傳癰腫去熱毒搖汁 疏○甘焦禀地中至陰之氣以生其味應甘氣大 風等證皆取其甘寒涼血除熱之功也 服治產後血脹悶大明治天行熱狂煩悶消渴患癰 性無毒入足陽明經膏粱之變發為癰腫甘寒解陽 肘後方發背欲死芭焦根搗爛傅之 主治祭互 卷十

虚根味甘寒無毒主消渴容熱止小便利遊水者良蘇 焦性大寒癰腫陰證不掀腫不發熱者忌之天行病 惠方血淋澀痛芭焦根早蓮草各等分水煎服日二 主焦雖味甘然性大寒尤非所宜 排 兒赤遊行於上下至心即死搖芭焦汁煎塗之 陽明熱甚者忌之產後血脹問當以行血補血為 簡誤 神農本草經疏 利人 人解 **冯孕婦心** 熱治

金グログメラー 調水道下輸膀胱腎為水臟而主二便三家有熱則 熱自解肺為水之上源脾氣散精上歸於肺始能通 家之熱解則小 液流通而渴止矣客熱者邪熱也甘寒除邪熱則客 然也甘能盆胃和中寒能除熱降火熱解胃和則津 疏〇蘆根稟土之沖氣而有水之陰氣故味甘氣寒 而無毒消渇者中焦有熱則脾胃乾燥津液不生而 便頻數甚至不能少忍火性急速故也肺腎脾三 便復其常道矣火升胃熱則反胃

人こりにいた 熱嘔吐 煩悶嘔吐樂性論云蘆根能解大熱開胃治噎噦不 **逆水蘆根得竹站枇杷葉麥門冬烏梅木瓜能止因** 筍亦能除熱利小便解河純魚蟹毒 亡陰故瀉利人多渴孕婦血不足則心熱甘寒除熱 安胃亦能下 氣故悉主之也 **逆不下食及噎噦不止傷寒時疾熱甚則煩悶** 主治祭互 得竹如麥門冬大青青黛能除傷寒熱病 1 神農本草經疏 二十四

金ケロルノニー 薑各十兩橘皮茯苓各五兩水二斗煮八升去滓分 五服取汗乃瘥 悶不下食蘆根五兩剉以水三大盞煎取二盏温服 過三升愈 根煮濃汁飲 不能食者蘇遊蘆根飲主之蘆根麥門冬地骨皮生 止皆由甘寒除熱之力也 水煮濃汁頻飲二升必效若以童子小便煮服不 金匱玉函方治五噎吐逆心膈氣滞煩 又方治嘔喘不止厥逆者蘆根三斤 肘後方治勞復食復欲死並以蘆 外臺秘要治骨蒸肺

てこう........ 思臼味辛温微温有毒主殺蠱毒思疰精物辟惡氣不 腹脹口乾忽發熱妄語蘆根煮汁服又聖惠方治中 因寒霍亂作脹因寒嘔吐勿服 馬肉毒千金方治鯸鮧魚毒并食蟹中毒方俱同 門冬一兩煎服 二升分服 簡誤 金方治反胃上氣蓋根茅根各二兩水四升煮 太平聖惠方治霍亂煩問蘆根三兩麥 梅師方治食狗肉中毒心下堅或 神聖本草理流 二十五

祥逐邪解百毒療效嗽喉結風邪煩感失魂妄見去目 金好四库人言 諸病何莫非陰邪尸鬼之所為凡物以類相 及諸盤毒鬼疰精物尸疰傳尸煩感失魂妄見然此 疏○思臼得地之金氯而性復陰沉是以辛温有毒 膚翳殺大毒不入湯 翳 乃陰草中之散結碎邪者也故能入陰分以碎 除草之異品乃能治子陰思之賊害也其去目中 及效嗽喉結風邪則辛散之功耳其藥有二 從故惟 一種味

思臼得丹砂雄黄雲母生犀角丹參遠志射干百部 甘者滕苦者稍劣 主治然互

**菖蒲天門冬能治一切怪惑不祥及諸尸疰傳尸** 邪為崇諸異證 婦人良方治子死腹中胞破不生 修

いたり見とはう 服立生如神名一字散 千金方治射工中人寒熱 用鬼臼不拘多少黄者去毛為細末不用篩羅只 之如粉為度每服一錢無灰酒一盞同煎八分通口 神農本草經疏 ニナ六

金ケロをノーを 服 發瘡鬼臼葉一把苦酒漬搖取汁服一 泉章門心俞用生思臼搖汁一小盤服乾者為去 妨食脈沉若青脈入口者死宜烙口中黑脈耳會 見者不可用 凡病屬陽陽磁熱極有似思魅為崇及煩惑失魂妄 二十六黄方治黑黄急病其證面黑黄身如土色不 簡誤 升日二次

一人。可以上上面 馬兜鈴味苦寒無毒主肺熱软嗽痰結喘促血痔瘻瘡 矣故亦主之甄權用以治肺氣上急坐息不得教逆 喘促亦肺熱病也宜并主之血痔瘻瘡無非血熱況 痔病屬大腸大腸與肺為表裏清臟熱則腑熱亦清 能除熱其性輕楊厥狀類肺故能入肺除熱而使氣 有辛兼金氣也入手太陰經苦善下洩辛則善散寒 疏〇馬兜鈴感冬氣而生故味苦氣寒而無毒亦應 下降款嗽者氣升之病也氣降熱除嗽旬平矣痰結 神農本草經疏

金ケロルノー 蠱毒又搖末水調塗丁腫大效 馬兜鈴得桑根白皮百部天門冬桔梗蘇子桃 磨為泥封之日三四易立瘥水煮一二兩取汁服吐 連連不止潔古用以清肺氣補肺去肺中濕熱者旨 貝母紫菀能治一 獨行根一名青木香治鬼疰積聚諸毒熱腫蛇毒水 除熱降氣散結之力也 主治称互 一切喘嗽 聖惠方治五種蠱毒馬

らいとうらしいかっ 出神效 馬兜鈴苗一 在西凉之西及嶺南人中此毒入咽刺痛欲死者用 兜鈴根三兩為末分為三貼以水 吐出又服麝香一錢七即吐鹽毒盡 有物嚥不下吐不出心下熱悶馬兜鈴一兩煎服即 **頓服當吐鹽出未快再服以快為度** 肺氣喘嗽馬兜鈴二兩酥炒甘草一兩水炙為末每 外臺秘要解蛇蟲毒飲食中得之咽中如 兩為末以温水調下一 \_ 神農本草經疏 錢七即消化監 一盏煎五 分去淫 簡要濟衆治 又方草點術 ニナハ

金ケロしん 不能行丈夫虚劳老人失溺無子益陽道久服通神强 仙茅味辛温有毒主心腹冷氣不能食腰脚風冷攣 肺虚寒作效嗽或寒痰作喘者勿服 乾劈作片取向襄子去革膜取净子焙用 服 凡采得實去葉及蔓用生絹袋盛於東屋角畔懸令 助筋骨盆肌膚長精神明 簡誤 錢水煎温呷或以藥未含嘅津亦得 ノーー 卷十 E 雷公云

一次で与えるす 一丁 虚勞無子陽道疾弱老人失弱風冷外侵為腰脚不 其實辛熱有毒之樂也氣味俱厚可升可降陰中陽 筋骨自利皮膚自盆也命門之系上通於心相火得 利學痺不能行并不能生土以致脾虚腹冷不能食 此火不能生物人非此火不能有生故真火一衰則 也八手足厥陰經命門真陽之火即先天祖氣天非 疏〇仙茅禀火金之氣然必是火勝金徵雖云辛温 此樂味辛氣熱正入命門補火之不足則諸證自除 神農本草經統 二十九

ノシグロー 皮尚香炒柏子仁去殼各八兩生地黃焙熟地黃焙 聖濟總錄仙茅九壯筋骨盆精神明目黑髭鬚仙茅 補則君火益自振攝故久服能通神强記也長精神 陰乾取一斤枸杞子一斤 車前子十二兩白茯苓去 明目者言真陽足陰翳消肝腎俱補之極功耳 各四兩為末酒煮糊九如梧子大每服五十九食前 ,斤糯米泔浸五日去赤水夏月浸三日銅刀刮剉 主治祭互 ノード かんこう シー 其為毒可知矣雖能補命門盆陽道助筋骨除風痺 然而病因不同寒熱迥别施之一惧禍如反掌況世 温酒下日二服 凡味之毒者必辛氣之毒者必熟仏茅味辛氣大熱 吐血衂血齒血溺血血淋遺精白濁夢與思交腎虚 辛温大熱之樂其可常御乎凡一概陰虚發熱教歌 之人火旺致病者十居八九火衰成疾者百無二三 簡誤 神豊本草理院 手

金发区库全丰 劉寄奴草味苦温無毒主破血下脹多服令人痢 養筋以致偏枯痿痺胃家邪熱不能殺穀胃家虚火 腰痛脚膝無力虚火上炎口乾咽痛失志陽痿水涸 等證法並禁用 嘈雜易饑三消五疸陰虚内熱外寒陽厥火極似水 精竭不能孕育老人狐陽無陰遗溺失精血虚不能 平苦能降下辛温通行血得熱則行故能主破血 )劉帝奴草其味苦其氣温揉之有香氣故應兼 

集簡方治大小便血劉寄奴為未茶調空心服二 補延胡索各一兩水二升煎七合入酒及童子小 即止 行血迅速故也 謂為金瘡要藥又治產後餘疾下血止痛者正以其 脹然善走之性又在血分故多服則令人痢矣昔 主治称互 千金方治折傷瘀血在腹內者劉寄奴骨碎

人口りう 人上か

神農本草經流

丰二

各

合頓温服

本事方治湯火灼傷劉寄奴擔

門 金クロムノー 胃弱易作泄者勿服 樂為妙 劉寄奴草通行走散之性專入血 分病人氣血虚 之即止 驗此方凡湯火傷先以鹽末掺之護肉不壞後 先以糯米漿雞翖掃上後刀掺末並不痛亦無痕 簡誤 苦温無毒主破血止血補折傷 聖惠方治風入瘡口腫痛劉寄奴為末 T

てにりま 骨 矣甄權用以主骨中毒氣風血疼痛五勞六極手足 風足痿軟皆入腎强骨之驗也 不收上熱下冷雷公用以治耳鳴載元禮用以治 少陰而主骨開耳入血行傷也開元命名其義可思 氣温亦應有辛好生陰處故得陰氣為多宜其入 主治泰丘 骨碎補得金氣兼得石氣石者水之母也 補得青鹽槐角炒研細擦牙能固齒 A.du 神農本草程院 三十二

金少口 香等分為末糊九塞孔中名金針九 復動經用有神 精髓去骨中毒氣疼痛牙動將落者數擦立住再不 治虚氣攻牙齒痛血出或時痒痛骨碎補二兩銅 亦 耳鳴耳閉骨碎補削作細條火炮乗熱塞之 細剉尾鍋慢火炒黑為末如常指齒良久吐之嚥下 **病後髮落胡孫薑野薔薇嫩枝煎汁** 可劉松石云此方不獨治牙痛極能堅骨固牙盆 アノニー T 聖濟總錄治風蟲牙痛骨碎補 刷之 蘇氏圖經治 Ŋ

えこうえ かかり 腎中煨熟與食頓住蓋腎主大小便久泄屬腎虚不 痢昔魏刺史子久泄諸醫不效垂殆用此樂末入猪 時珍云骨碎補足少陰藥也故能入骨治牙及久泄 虎骨四斤九仍以骨碎補三分之一同研取汁酒和 禮治痢後下虚不善調養或遠行或房勞或外感致 可專責脾胃也雷公用治耳鳴耳亦腎之竅也戴元 治腸風失血胡孫薑燒存性五錢或酒或米飲服 兩足痿軟或痛或與遂成痢風宜用獨活寄生湯吞 3 神農本草經疏

金グロルグー 熱遊去去白蟲 疏 / 翹味苦平無毒主寒熱鼠痿瘰癧癰腫惡 熏洗此亦從腎虚骨痿而治也 服之外用杜牛膝杉木節草蘇白立南星煎湯頻頻 刀刮去黄赤毛細切蜜拌蒸曝用 不宜與風燥藥同用 簡誤 連翹感清凉之氣得金水之性本經雖云味 雷公云凡采得

人の可ら へかり 矣癰腫惡瘡無非崇氣壅遏衛氣鬱滞而成清凉以 味俱薄輕清而浮升也陽也海藏以為陰中陽也入 瘻瘰癧癭瘤結熱者以上來諸證皆從足少陽膽經 手足少陽手陽明經亦入手少陰心經其主寒熱亂 氣又足以解足少陽之鬱氣清其熱散其鬱靡不疼 氣鬱有熱而成此藥正清膽經之熱其輕揚芬芳之 平無毒平應作辛刀為得之潔古謂其性涼味苦氣 除瘀熱芬芳輕揚以散鬱結則紫衛通和而瘡腫消 神農本草經疏 三十四

金少四月八十二 生蟲清其熱而苦能洩蟲得苦即伏故去白蟲甄權 通小腸排膿治瘡癤止痛通月經東垣用以散諸經 用以通利五淋小便不通除心家容熱日華子用以 矣靈毒非熱非辛則不成熱解則盤自消濕熱風 皆清熱散結下氣燥濕之功也 中部血證以為使海藏用以治氣秘火炎之耳聾 **血結氣聚消腫丹溪用以瀉心火除脾胃濕熱及治** 主治忝五 則

ランコンコラ へんか 貼之 瘡腫痛連翹煎湯熏洗後以刀上飛過絲礬入麝香 斤大黄三兩甘草半兩每用一兩煎食後熱服十餘 治瘰癧加壮鼠糞人爪山豆根蒲公英消乳癰乳嚴 日後矣臨泣穴二七壯六十日決效 得貝母白芷甘草金銀花玄參薄荷夏枯草白及能 簡便方治瘰癧結核連翹脂麻等分為末時時 潔古治項邊馬刀屬少陽經連翹二斤瞿麥 神農本草經疏 集驗方治痔 三十五

藍毒鬼疰心腹痛冷氣脹滿利大小腸除痰飲積聚下 續随子味辛温有毒主婦人血結月閉癥瘕蹇癖於血 金グロルノー 惡滞物望中白汁剝人面皮去點贈苗如大戟一 者勿服脾胃薄弱易於作泄者勿服 連翹清而無補之樂也癰疽已潰勿服火熱由於虚 名千金子 簡誤 )續隨子味辛氣温而其性有毒實攻擊尅伐之 名拒

欠いりりという 末取出研蜜先梧子大每服二三十九木通湯下 樂也長於解蟲毒鬼疰以致腹痛脹滿攻積聚下惡 聖濟錄治小便不通臍腹脹痛不可忍用續隨子一 滞物及散痰飲至於婦人月閉癥瘕疼癖瘀血大小 兩鉛丹半兩同少蜜搗作團無威埋除處臘月至春 緊施蓋此樂之為用乃以毒攻毒之功也 腸不利諸病則各有成病之由當求其本而治不宜 主治祭五 神農本草經疏 卖

金グロー 惡物為效 臺六分續隨仁七粒搖篩為散酒服方寸七兼唾和 熟時塗之自落 少許淦咬處立效 又方治涎積癥塊續隨子三十枚膩粉二錢青黛炒 錢研与糯米飯九芡子大每服一九打碎以大棗 枚燒熟去皮核同嚼冷茶送下半夜後取下積聚 崔元亮海上方治蛇咬腫悶欲死用重 普濟方治黑子疣赘續隨子於

ここりも とう 馬急黃發熱教嗽殺小與生剱南山谷蔓如豆 山豆根味甘寒無毒主解諸樂毒止痛消瘡腫毒人及 病人元氣虚脾胃弱大便不固者禁用 疏〇山豆根得土之沖氣而兼感冬寒之令以生故 故為解毒清熱之上藥凡痛必因於熱毒解熱散則 其味甘苦具氣寒其性無毒甘所以和毒寒所以除 解譬大人盛德與物無競即陰毒忮害遇之不起矣 熱凡毒必熱必辛得清寒之味甘苦之味則諸毒自 神農本草經疏 干七

金少匹屋人 痛自止瘡腫自消人馬急黃乃血熱極所發故必 熱熱氣上熏則發欬嗽諸蟲亦濕熱所化故悉主之 毒密取山豆根水研服少許未定再服己禁聲者亦 氣以酒下 愈 而多獲奇效也 豆根入散乳毒藥中能消乳嚴 主治祭互 又方治五般急黄山豆根末水服二 又方治赤白滯下山豆根末塞九梧子 苳 備急方解中 錢若帶

大每服二十九空腹白湯下三服當自止 牙關緊閉水穀不入山豆根白藥子等分水煎噙之 煩熱甚者水研山豆根汁服少許 根磨醋噙之追涎即愈勢重不能言者頻以雞倒掃 頭風熱痛山豆根末油調塗兩太陽 腫痛山豆根一片含於痛所 山豆根末臘猪脂調塗 喉中即引涎出立能言語 楊清奧外科治喉風急證 經驗方治姓豆諸瘡 永類方治喉癰山豆 備急方治疥癬 又方治牙龈 又方治

次三万五八十五

神農本草經疏

テン

白附子主心痛血痺面上百病行樂勢 嚥下二三口 即愈 疏〇白附子感陽氣而生故其味應辛徴甘氣大温 有小毒性燥而升風樂中之陽草也東垣謂其純陽 病人虚寒者勿服 以致痰壅心經則作痛寒濕邪傷血分則成血痺 引藥勢上行是已其主心痛血痺者風寒之邪觸心 簡誤 丘座 奏 欠しりらいます 要樂 音一切冷風氣面好瘢疵李珣用以治諸風冷氣足 能主面上百病而行樂勢也日華子用以治中風失 能勝濕辛温散寒故主之也風性升騰辛温善散故 白附子得南星半夏能豁風痰暴壅而有寒邪者為 溪用以治風痰皆袪風燥濕散結之功也 弱無力疥癬風瘡陰下濕痒頭面斑痕入面脂用丹 主治祭互 同膽星全蝎白殭蠶釣滕天竺黃白檀香牛 神農本草經疏 三十九

金りにたべる 黄能治小兒急驚 夏南星等分生薑汁浸蒸餅九菜豆大每服四十 白 塗紙上贴之久久自落 治面上奸黯白附子為末即時漿水洗面以白蜜和 分為末薑汁調稀茄帶蘸擦日數次 食後薑湯下 簡誤 附子嬠藥也似中風證雖痰壅禁用小兒慢驚 簡便方治亦白汗斑白附子硫黄等 濟生方治痰厥頭痛同天麻生 衛生易簡方

欠につること 殤氣 **虎霍味苦平無毒主鹽毒女子腰腹痛不樂腸癰瘰癧** 疏○鹿獾禀地中之陰氣以生故其味苦氣平無麥 宜服 故主蠱毒惟其凉血故主腸癰瘰癧瘍氣女人以血 而血得所養故主女人腰腹痛不樂也方樂不復 為主血虚有熱則腰腹痛不樂得苦涼之氣則熱退 人足陽明太陰厥陰經解毒凉血之藥也惟其解毒 1 神農本草經疏 四十

預知子味苦寒無毒殺蟲療蟲治諸毒傳云取二枚級 衣領上遇盡毒物則聞其有聲當便知之有皮殼其實 如皂荚子去皮 研服之有效 熱毒熱毒既解則盤不靈矣凡蟲皆濕熱所生點得 苦則伏故殺蟲之樂多苦多寒也此草中之有靈性 性無毒凡蟲毒多辛熱之物所造故宜苦寒以泄其 疏○預知子感陰寒之氣以生故其味苦其氣寒其 人亦罕識故不著祭互及簡誤 人口可以 小子 图 者故其命名如此又名仙詔子聖知子聖先子蜀人 貴重云亦難得采無時其根味苦性極冷其效愈於 毒樂中惡失音髮落傳一切蛇虫蛛影咬 **産癖氣塊天行温疾消宿食止類問利小便催生解** 凡中盛毒則水煎三錢七温服立己日華子又云盍 子山民目為聖無憂冬月米陰乾石曰內搖未節細 合子温治一切風補五勞七傷其功不可備述弁治 主治忝互 神農本草經疏 四十二

遠志山藥黃精丹砂等分為末煉蜜九芡實大每嚼 去皮白茯苓枸杞子石菖蒲茯神栢買人參地骨皮 夢寤即驚魘或發狂眩暴不知人並宜服此預知子 妄忪悸煩鬱憂愁慘城善怒多恐健忘少睡夜多異 和劑局方預知子九治心氣不足精神恍忽言語錯 九人参湯下 仏詔子黑李子末取水滴耳中腦痛勿驚如此 孔舀蓋入米醋滿中蓋定髮裹煉火中煨熟取出 聖惠方治耳卒難八月取石福開

疾出血 休息痢歴久不差得禹餘糧當歸芳前疼崩中亦白得 木賊味甘微苦無毒主目疾退翳膜又消積塊盆肝膽 槐鹅桑耳腸風下血服之效又與槐子枳實相宜主痔 明日療腸風止痢及婦人月水不斷得牛角熙麝香治 くこうう 預知子苦寒能利凡病人 夜又點 簡誤 2. Air 耳 神農本草經疏 ( 脾虚作泄瀉者勿服 四十二

金好口工人人 膽之功肝藏血故也 毒入足厥陰少陽二經血分故首主目疾及退翳膜 疏○木賊草感春升之氣故應味甘微苦而性 則消之中又有止之義矣其主積塊齊腸風止痢 盆肝膽而明目也又療腸風止痢及婦人月水不斷 賊得穀精草決明子白蒺藜蟬蛇生地黄甘菊花 主治祭五 八月水不斷崩中亦白痔疾出血者皆入血盆肝 則

人にフラーの言 目疾由於怒氣及暑熱傷血暴亦腫痛者非其所 俞服必效 小腸膀胱氣木賊細剉微焙搗為末沸湯點二錢食 去滓空心温二分服如人行五里再服 桑耳煅存性地榆茜草根治腸痔下血多效 蜜蒙花治目疾久不愈消翳障有奇功 方治瀉血不止木賊十二分切以水二升煎取 簡誤 神農本草經疏 四十二 行義云治 得槐角云 廣利

之立消 金りにたいる 是入肝入胃解熱涼血之要藥乳癰屬肝經婦 良 行後肝經主事故主婦人乳癰腫乳毒效宜生噉之 疏〇蒲公草得水之沖氣故其味甘平其性無毒當 公草味甘平無毒主婦人乳癰腫水煮汁飲之又封 主治粲互 公草得夏枯草貝母連翹白芷栝樓根橘葉甘草

人工可与 外面 炎南行方亦著其效云 手下即愈痛亦除瘡亦即蹇未十日而平復如故楊 著庭木至晚逐患痛不可忍經十日痛日深瘡日高 白汁塗之惟多塗立差此方出孫思邈千金方其序 頭垢牡鼠粪山豆根山慈菰治一切乳雞毒腫痛 大色如熟小豆色嘗聞長者之論有此方逐依治之 治乳巖為上藥 云余以貞觀五年七月十五日夜以左手中指背觸 圖經治惡刺及狐尿剌摘取根莖 神農本草徑號 梅師方治産後不自乳兒 四十四

金り口ルノーを 穀精草味辛温無毒主療喉痺齒風痛及諸瘡疥飼馬 主與顏毛焦等病 故其性無毒人 畜積乳汁結作癰取蒲公草據傳腫上日三四度易 疏○穀精草得金氣故味辛所言氣温者應曰微温 用故無簡誤 安藥也辛能散結微温能通氣喉痺者手少陰心火 此草單治乳癰及腫毒性既廿平無毒又乏他 人足厥陰經又入足陽明經補肝氣之

一つにフェー いよっ 散故悉主之其用以飼馬主蟲類毛焦等病者以馬 <u>乔之生皆由於血熱諸痛痒瘡瘍皆屬心火樂宜辛</u> 與足少陽相火相扇上壅而成散二經之火則氣通 氣故為治目散翳之上藥而本經不載是謂關文 性多熱又為風熱所傷故主之也以其入肝補盆肝 之所致也熱則生風風火相搏故發齒風痛也諸瘡 而無所結滞矣齒風痛者陽明胃家風火熟盛上衝 主治泰互 沖農本草徑硫 四十五

金げくにはんなっき 治目中翳膜穀精草防風等分為末米飲服之甚驗 治鼻如不止穀精草為未熟殺湯服二錢 穀精草得決明子木賊草甘菊花蜜家花生地黄專 為末以白麪糊調攤油紙上貼痛處乾換 除目病障翳 用穀精草為末以肺或猪肝片蘸食一方加蛤粉等 分同入猪肝内煮熟日食之 邵真人濟急方治痘後目翳隱澀淚出久而不退 集驗方治偏正頭痛用穀精草一兩 衛生家實方治小兒 明日方 聖恵方

瘦結氣即腫濕 與輕身之此為 ついうう 夏枯草味苦辛寒無毒主寒熱瘰癃鼠寒頭瘡破癥散 器覆之放冷為末每冷米飲服半錢 雀盲至晚或不見物用羯羊肝一 保幼大全治小兒中暑吐寫煩渴穀精草燒存性用 如不肯食炙熟攙作丸粢豆大每服三十九茶下 剖開入穀精草一撮瓦確煮熟日食之屢效忌鐵器 無毒喉痺齒痛目翳之外無他用故不者簡誤 .... 神農本草經硫 具不用水洗竹刀 此藥味淡性 四十六

金少四戶人言 由於熱脚腫濕瘅無非濕熱所成熱消結散濕去 為治瘰癧鼠瘻之要藥入足厥陰少陽經丹溪謂 疏〇夏枯草得金水之氣故其味苦辛而性寒無毒 補殿除肝家之血又辛能散結苦寒能下泄除熱故 治一切寒熱及消瘰癃鼠瘻破瘕散瘿結氣頭瘡皆 **見枯草得連翹忍冬藤貝母玄祭薄荷** |證自除而身亦輕矣 主治泰互

大きつるとする 藥初生嫩時作菜食之須浸洗淘去苦水 甘草生地黄白正半枝蓮消一切癰疽腫毒止痛有 煮濃汁入生甘菊紫花地丁忍冬藤連翹白及白飲 神此複方也 治一切乳癰乳嚴方具滿公草條下 止血脈痛羞明怕日夏枯草半兩香附子一兩為末 人葵克麻子仁甘草治一 錢茶調下 簡要濟衆方治肝虚目睛疼冷淚不 神農本草經疏 行義云古方用以燒灰合潔面 切瘭癃有效 單取數兩水 得蒲公草

亦剝人面皮除好鼆 山慈淼根有小毒主羅腫瘡**瘻瘰癧結核等醋磨**傳 金ダにアノニ 疏〇山慈旅味辛氣寒善散熱消結故主癰腫瘡瘻 毒除治療症鼠瘻及散癭結氣消癰腫乳毒之外 别用故不著簡誤 州邃昌縣實非金燈花與鹿蹄草葉似車前 瘰癧結核等昔人用醋磨傳令人亦入服藥中 主治祭互 卷十

服更良入樂宜 燈心草味甘寒無毒根及苗主五淋生煮服之敗席 ... j 疏〇燈心草氣味甘寒則無毒可知入心小腸藥 其質輕通其性寒味甘淡故能通利小腸熱氣下 不得服甘草誤則殺人 切疔腫癰疽解 因無別用故不著簡誤 玉樞丹紫金錠大內觀音救苦錠磨傅并服消 いたか 一切蛇蟲毒有神方中有大戟用此 神農本草經疏 亦入乳嚴乳毒方用相宜 四十八

金り口 與喫 有神效 燈心草以鹹滷浸透入雞子殼中封固煅存性研細 從小便出小腸為心之腑故亦除心經熱也 用帛裹血立止 加梁上倒掛塵及青魚膽明裝銅青點 心浸油釣出蟲 主治祭互 トノニー 勝金方治破傷多用燈心草爛嚼和唾貼之 經驗方治小兒夜啼用燈心燒灰塗乳上 蟲蟻入耳挑不出者以 咽喉生乳蛾

馬勃味辛平無毒主惡瘡馬於一名馬庀 性專通利虚脫人不宜用 簡誤

其主惡瘡馬疥及止凍瘡也行義曰去膜以蜜樣拌

少以水調呷治喉痺痛則辛散之功也

主治忝互

疏〇馬勃感土金之氣而生故味辛氣平而無毒宜

いたいりる」とき

經驗良方治走馬喉痺馬屁勃即灰菰焰硝各一

神農本草經疏

四十九

兩

金グロアノー 水蓼主蛇毒搗傳之絞汁服止蛇毒入內心悶煮漬將 消氣腫 忠集效方也 馬勃為末蜜九梧子大每服二十九白湯下即愈 斑瘡入眼馬屁勃蛇皮各五錢皂角子十四箇為末 為末每吹一字吐涎血即愈 確內鹽泥固濟煅存性研每温酒服 )水蓼感金水之氯而兼有土故味辛性冷而無 因無别用故不著簡誤 普濟方治久嗽不止 錢此間孝

ら人に口らします「一世 海金沙主通利小腸得梔子馬牙硝蓬砂共療傷寒熱 微妙一 後夜卧各一服破者亦治 頻淋洗瘡乾旬安 集驗方治脚痛成瘡先到水勢煮湯令温熱得所頻 煮渍将脚消氣腫也 毒陰中微陽冷而辛所以能解蛇毒入内心悶及水 主治忝互 半生用一半同為末好酒調二錢日三服食 神農本草經疏 衍義治瘰癧水紅子不拘多心 至

金グロアノー 狂 手太陽小腸經樂也 砂之辛所以能治傷寒熱狂大熱當利小便此釜底 疏〇海金沙味甘淡氣寒性無毒甘寒淡滲之樂故 夷堅志治熱牀急痛海金沙草日中曝之令小乾 抽薪之義也淡能利竅故治熱淋血淋膏淋等病乃 主通利小腸得牙硝梔子皆鹹寒苦寒之極又得蓬 主治祭互

大門可見心言 盡為度研細煎生甘草湯調服二 澀但利水道則清濁自分海金沙末新汲水或沙糖 每服三錢生薑甘草煎湯下日二服 觀以杖擊之有細沙落紙上旋收之且曝且擊以沙 服 如油海金沙滑石各一兩甘草梢二錢半為末每 便不通臍下滿問海金沙一兩臘南茶半兩據碎 一錢麥門冬煎湯服日二次 錢 1 蘭臺秘藏治脾濕腫滿腹脹如鼓喘 神農本草經疏 錢 普濟方治血淋 圖經本草治 仁存方治膏 五十二

金グロモノー 胎 牽牛子一兩半為末每服 破積聚瘕痕止痛利氣一名難爪三稜 海金沙性淡渗而無補盆小便不利及諸淋由於腎 得即海金沙散用海金沙三錢白术四兩甘草半 為妙元氣虚人禁服此方 水真陰不足者勿服 ,稜根味甘平温無毒瘀産後惡血通月水血結隆 簡誤 | 錢煎倒流水調下得利

つかしつう ベニ 生姑城巴西根苗並似黄精根鹿好食谷好鹿跑草 鹿樂味甘温無毒主風血去諸冷盆老起陽浸酒服之 其性無毒甘能盆血甘能入脾甘温益陽氣故能丰 所產之地與形質不同為別耳破散起削之性 疏〇草三稜即雞爪三稜與京三稜其實一 疏○鹿樂得土中陽和之氣以生故其味甘其氣温 乎京三稜故祭互簡誤亦同茲不復贅 風血去諸冷而盆老起陽也當與黄精萎雞枸杞之 神農本草經晚 五十二 一類但以 同

山人取浸酒除風破血主溪毒煮食之 草石豔生髙山石上根如箸上有毛節如蠶葉似卷柏 金八口匠人言 疏〇按草石蠶本經無氣味予見明州好事者以水 必清寒故能解毒子少時見一老醫治毒痢下血久 **漬羊肚石種之盤生石上儼類蠶形得水石之氣性** 不著主治簡誤 類同科氣味和平性本無毒補益之外無別治療故 不愈方中有之後子按其法試用良驗

しくとりられた 漆姑草氣辛烈主漆瘡接研傳之熱更易亦主溪毒疹 煨蓮肉白藊豆俱炒橁皮炙甘草升麻山查和為末 草石醬同川黃連白芍藥各酒浸炒肉豆蔻糯粉第 墀陰處必是辛苦寒之樂辛能散苦能泄故主漆 疏〇漆姑草藏器云氣辛烈然觀其多生石間及指 消積滯之功也無別用故不著簡誤 塞湯調服治久痢不止往往獲效當是涼血破瘀血 主治祭豆 神農本草經疏 五十三

